



墓碑

有元同知東川路總管府事孫侯墓碑

至大四年十月初同知東川路總管府事孫侯以疾終于家其明年十二月將葬前激浦縣尹蕭君以書來爲其孤福齡請徵文以表墓隧之碑孫蕭親也蕭予舊也其請不可違孫鉅族也侯美士也其美有足揚者遂不復辭謹按孫氏有三其一姬姓衛公子惠孫之後其一羊姓楚令尹叔敖之後其一媯姓齊陳無宇曰孫栢子其曾孫武奔吳爲闔閭將著兵法十三篇唐末有爲將

者率師駐慶慶化留而弗去慶慶化今贛寧都也孫氏  
為贛寧都人自此始在宗有介夫者與蘇文忠公遊侯  
之曾大父汝成大父延休父德成世世韞德至侯彌昌  
侯諱登龍字壽甫家饒於貴身饒於文早年以進士貢  
平生嗜利如羽嗜義如渴凡凶荒死喪患難危急不問  
感疏迹遠周之拯之惟恐或後橋梁道路苟病於跋履  
必為完治雖費不計聖朝兵及江南山藪遐僻乘時肅  
聚侯扞衛井里獲全生聚者不啻數十百家行省擢充  
南安路儒學正考滿勅授慶遠南丹溪洞等處軍民安  
撫司儒學教授一以周孔之教變殊俗休暇之日引古

授今懇懇以告司政之官多所匡救裨益大德九年轉  
授同知歸仁州事越七年而有東川之命由將仕佐郎  
陞登仕郎不及拜命而卒年七十一初娶張氏生男二  
清臣獻臣丁丑歲俱殲于兵再娶揭氏以其子延臣歸  
侯子之若子名在吏部八品選中父有庶子九齡侯亦  
子之若子父命也三娶曾氏生男五福齡勅授瑞州路  
上高縣長官祿齡壽齡高齡女六適趙適揚適唐適胡  
適朱其季許適蕭庶子順孫命為延臣之子孫男曾孫  
孫女一嗚呼侯富康而壽考子孫才賢而蕃衍浸浸顯  
榮非好德之福積善之慶乎心潛於義理文雉於塲屋

誌侯之墓者云耳文章不及鳴於館閣政事不及福於當道狀侯之行者云耳予夙聞侯譽又稽狀與誌而序其槩如此繫之以銘銘曰

恂恂文儒行服鄉閭善累惠周天人交孚晚毓英胄繫德之符小試儒官施未寸銖進貳郡牧胡不須臾時用之畜後慶之腴穹碑厚趺百世弗渝若稽前美允休允都

元贈亞中大夫輕車都尉懷孟路總管武功郡侯蘇府君墓碑

府君諱儒字大用其先自忻代徙順德大父元仕金官

號益安謀克大母栗氏父清金拱衛指揮使皇朝贈中順大夫上騎都尉同知延慶使司事追封武功郡伯母李氏追封武功郡君中順二子長傑仕于廣平路府君其次也孝友寬慈篤享信實涉獵于史尤喜藏室漆園之書收貯時賢詩文爲家珍采拾善人言行爲身範不求榮進勤力治生家用饒裕量一歲所入所出幾何贏餘悉以賑貧歲有常數凶歲則倍官所勸率不與焉內而族親外而鄉閭饑者食之寒者衣之病者藥之死者棺之孤寡無依者居之養之婚媾失時者室之家之惠加於人不自以爲德或忘恩負義橫逆來侵待之如常

略不芥帶追孝其先事亡如存晨夕必面朔望必薦雞  
隆寒盛暑若疾風暴雨不廢每勵子孫謂吾自幼知讀書  
為美事理家勞疾無暇時可學抱憾終身汝等在蔭之  
下飽暖逸居不學將何為哉子孫承命競勗學業名知  
巨儒踵門隆禮尊崇諮訪為善之方竟日不倦諸子出  
外備防檢之器則喻之曰寇盜豈欲戕害人利其財耳  
設有不虞舍財全軀彼如我何且為善有福為惡有禍  
汝輩但勉為善終不蹈危厄九訓戒之言中倫慮達義  
命往往類此至元甲午二月八日卒年六十八以子貴  
贈亞中大夫輕車都尉懷孟路總管追封武功郡侯夫

人劉氏淑慎寡言內  
外恕諸婦敬長子孫遵守家法

三世同居大德壬寅四月十四日卒年六十九追封武  
功郡夫人子四思溫思讓思敬思義克紹前志輕財好  
惠自大德乙巳至延祐己未十五年間以米賑施及減  
價平糶不啻數千斛楮幣五萬緡置局市藥所得子錢  
脩藥劑以濟貧病之人不取其直有戚屬不能自贍出  
貲俾販鬻遠利因是豐足者數十家思敬繇廣福提舉  
陞廣福監大監孫十二楨椿楫森楨朴材杞桂其十蘇  
同字仲元名木旁區準史遷稱趙談為趙同例也其十  
一曰栗其十二曰桐楫漆仲元俱仕中朝朴嗜文學別

立在長蘆鎮曾孫志學志道鶴童志學仕為長史大監  
兄弟將刻石府君之墓仲元求予文文之予謂府君積  
善樂施獲報於天身存而富身歿而貴流慶衍迨永艾  
也福善之理豈不昭昭也哉乃序其事而系以銘詩詩  
曰順德之蘇從自竹代爰逮亞中浸浸豐大側彼空靈  
猶已寒饑衣食所贏棄捐如遺施不貴報時謂陰德天  
酢其獻如稼必穡錫命寵光貴于九泉世胄繩繩齊翹  
聯翩富貴在天維以福善勒名表阡彌久彌顯

元中子碑

元中子黎氏諱立武字以常臨江新喻人年二十八太

字二十六擢進士第三人大父母  
承事即簽書鎮南軍節度判官明年奉四親之官又  
二年秋貢校文撫州又明年除太學錄又明年通判袁  
州就任轉宣教郎明年冬除宗正寺簿明年夏兼在文  
宗教授召試館職除秘書省校書冬轉奉議郎以祖母憂  
去國明年春除佐著作夏轉承議郎秋除著作赴國難  
趨朝明年春除軍器少監國子司業且將大用而國事  
云矣間道來歸備歷艱險自是閔居三紀逮事二親猶  
一十年北來達官聞譽望觀風采禮之如天人諏訪相  
屬或延致或就見焉意度安舒威儀整暇不待交談人

已起敬清言豐豐每至夜分雞鳴復興了無倦色少年  
高科常懷謙抑篤志嗜學一如未仕處太學時有同舍  
先達猶介人也數舉前脩格言相警發持已接物資益  
維多佐洪府時歲饑有同僚言殺一牛活萬蟻欲籍富  
戶賑貧民駁之曰萬蟻固何憐一牛何罪而死衆稱善  
意有德之言哉官祕省時閱官書愛二郭氏中庸郭游  
程門新喻謝尚善仕夷陵嘗傳其學將由謝沂郭以嗣  
其傳故於大學中庸等書間題世所宗尚者異義生平  
著述積藁如山山問敷暢新得有圖有贊有講義  
諸篇悉錄諸小書卷取去年六十八徵疾

端坐而逝越六十歲在單闕日次星紀月離天街終殯  
葬于塋莊之原祖考瑛迪功郎考士雲宣義郎祖妣黃  
氏妣蕭氏娶黃氏教氏俱封儒人子男三本彊本正本  
成女四壻胡簡徐教孫男五元衍公衍宗衍師衍祖衍  
女六伯兄立言國學進士好讀易纂諸儒所傳成一書  
澄撫州校文時所貢士也後三十八年始拜座主于清  
江之客舍一觀容貌心醉神融喟然曰世有斯人與世  
有斯人與廊廟器也福德身也蓋雍容和粹氣象彷彿  
河南程伯子云昔關西張子卒私謚明誠中子質之程  
伯子司馬公弗可遂止黎之孤暨門人授王文中爲比

以元中易名伯兄詳其事為狀傳于世諸孤約其文為誌納于壙矣噫孟有貞曜陸有文通河汶而後已然澄亦門人也而弗得與斯議也乃稽狀與誌寢其九以碑為墓隧銘曰

維德之中五色山立師詹鳳儀時汝麟泣斯焉斯逢斯逢斯豐猗與元中有百世公

耿縣丞封贈碑

高唐齊邑也幼讀孟子時知令亦為州至元間嘗過其地在京城識學士閻公高人也越三十一年在金谿識縣丞耿君亦高唐人也君居簡從事廣東宣德

司都元帥府考滿受勅命初任將仕佐郎臨江路知事再任從事即承金紫欽遇聖朝待臣之厚官七品得封贈父母妻息綸將下欲樹碑二親墓遂徵文於予竊觀耿君自為吏入官靡所玷缺仕每稱職臣之忠也奉奉焉以追贈其親為榮子之孝也孝者仁也仁者必惠忠者義也義者必廉夫苟忠於國孝於家廉於己惠於民則為人之大端具矣予安得不嘉其已往而勸其方來也哉君之父諱潤贈某官母李氏贈某稱妻刘氏封曰某別書于左

故右衛親軍千戶武略岳將軍墓碑

宣授武略將軍右衛親軍千戶諱元鎮姓岳氏古脩人  
涉獵書史氣渾厚志雄邁處家御衆有法父震自國初  
乞乞效勞任景獻陵三州判官至北京錄事而終將軍  
應募從戎戎帥以其父克勤王事俾長百夫從攻江陵  
拔砦矢中股從攻樊城先登矢中頰從攻漢陽西壩從  
攻鄂州東南隅俱有功又於岳州湖口獲數十艘俘百  
餘人以獻中統以後從征李壇於濟南又有功至元五  
年充右衛總把天朝方有事於南方從攻安慶從攻淮  
安五河口十二年授忠翊校尉十三年又戰于淮安而  
勝帥府以功上陞忠顯江南平軍使知其閑習軍務令

督軍器局十五年佩銀符陞忠武樞府調往上都率卒  
供土木役役罷進長千夫二十四年佩金符授武略將  
軍宿衛十餘年年六十八致仕娶李氏男四長蚤逝次  
信次貞廢子順女二長適萬戶之子高某次適右衛千  
戶鄭銓信以敦武校尉百戶成嶺北後讓職于弟貞貞  
在嶺北屯田軍食饒裕還守信安西永清壁迄今二十  
餘年介國子學生姚絳來言曰貞類先人緒業從事兵  
間念吾祖吾父盡瘁報國備著勞績恐父遂沉浪頭勤  
文于石庶其不朽敢以為請予謂皇元自開國至于宗  
亡用兵百有餘年以殺獲攻戰立功者多矣而父被堅

執銳蹈死弗顧名歸于主帥而能追念而父斬其名之  
存孝子也乃爲叙其事跡如右將軍之兄弟九九安鎮  
喜文學朝列大夫江淮捧茶提舉崇鎮河間路檢充景  
州契魯鎮撫餘不仕銘曰

天朝用兵虎視龍驤掛名尺籍半化侯王將軍忠勇未  
大顯揚勤銘旆後永世用章

元贈少中大夫輕車都尉彭城郡侯封彭城郡

張氏太夫人墓碑

至大二年夏天子推恩於其臣皆書省右司郎中劉安  
仁封贈二代祖考贈中順大夫上騎都尉彭城郡伯祖

此贈彭城郡太君考贈少中大夫輕車都尉彭城郡侯  
母封彭城郡太夫人越十有三年太夫人卒其明年郎  
中自江西奉母喪歸葬與臨川吳澄邂逅於建康哀經  
涕泣而言曰安仁之祖若父積善種德生不享其豐隆  
荷國厚恩賜爵于身後未能立乃墓隧以光昭天寵今  
吾母歸附吾父之兆斬一言垂不朽且曰吾父諱誠東  
昌堂邑人古貌爽髯儀觀甚偉博謹和易長厚忠信嘗  
訓安仁曰吾寧忍貧不使汝殖生肥家使汝就學者欲  
汝親師敬友培植漸漬知立身大節嗜義若芻豢避利  
若蛇蝎以無忝其先世今人率因毫芒之得致負丘山

之累亦由父母不訓以義而費以利故然以貨財殺子  
孫吾不爲也安仁年二十四爲行省掾始得祿繼任衡  
州路總管府知事南康路建昌縣丞將母就養至元之  
季征交趾馬價賴增安仁官滿留家餘一馬買者償價  
五倍於初直吾父曰兵將買馬爲國出力止依初直售  
之鄉間歎服其義因訓安仁曰家之饒之由乎天多取  
馬價奚爲哉汝祖父有言士不能忍窮一事不能立汝  
今食祿矣但守公廉勤二字何所不利九事宜加堅忍  
堅忍則處大患難不懼與大富貴不矜始可謂大丈夫  
苟得於一時貴莫於以遠汝其戒之又五年安仁任饒  
州路餘干州判官大德二年六月二十一日吾父終于  
家年六十有三七月訃至安仁奔赴成服葬于侯垌鎮  
南原之祖塋吾母張氏同邑里貞靜懿淑表裏一實孝  
養祖父母事吾父敬順不違待賓客竭家之所有缺則  
借貸以給安仁六歲讀書田晝促其學夜課其誦子未  
成誦母已先訃曰汝襁抱中不聞啼聲人謂異於常兒  
長必可教家雖貧不廢汝學期汝燭理循義雖凍餒無  
憾若夫榮達則有命安仁年十九從師江淮母寄書以  
訓謂宜明綱常之道除潭州路治中時寓居建康吾母  
七十有七矣慮大江洞庭流四千餘里風濤險惡欲

辭職侍親吾母訓曰汝起白屋際明時三歷州縣官入  
朝掾中書擢工部主事由御史臺監察御史陞都事由  
尚書省右司員外郎陞郎中先世受贈我亦受封其何  
以報國徒以我年老而欲辭官耶奉職養親忠孝兩得  
神所祐也舟行何懼焉皇慶二年正月二十四日發建  
康行近蕪湖西北雲集風起并力牽拽先客舟而行雖  
賈巨航在前弗讓母曰勿爭先也彼航牽纜忽斷航流  
而下我舟遂得先達夜鼓一更始泊未幾雷電風雨震  
電交作厥明問之夜舟多有損者又行日亭中舟人曰  
過此無可泊之所母曰雖早可止舟甫定大風浪及暮

大霖霖歷雷雲也與雨雜下三晝夜乃已他舟亦損此獨無  
虞若得神祐云既至長沙吾母訓曰劉門素以積善得  
汝歷官十餘任舉家食君之祿又獲封贈之榮合思報  
稱汝父常云惟廉勤可追吏責惟公平可服人心汝宜  
堅守不移在官六年無代值歲荒民飢吾母訓曰民為  
邦本本固邦寧民不得食猶已饑之邦本不保汝心安  
乎於是移文上司未奉明降先開官倉減價販糶參萬斛  
又勸有穀之家貸拾萬餘斛施一萬餘斛吾母喜曰汝  
職分所當為也由是飢民得濟野無餓殍就任改除江  
西行省左右司郎中奉母沿洞庭出大江順流而下入

彭蠡汜流而上以達于洪君洪三年而天降割至治一  
年十月十一日吾母終于官舍年八十有五安仁才劣  
學淺切祿四十年幸免缺敗皆父母遺訓所及無以答  
罔極之德惟立言君子賜之撰述俾遺美不隲不肖孤  
之願也敢以請發大德間始識即中于京師交誼二十  
年如一日竊嘗謂即中行已守官庶幾古名臣之風今  
聞其家訓如此則熏沐成就固有所自乃為秩序其言  
如右而詩之以麗于左郡侯之考郡伯諱義妣太君王  
氏子二長即中也次某力農治家孫男五長祐先歿次  
禧次禎次祐次禔孫女三長適郭次適杜次幼詩曰

累胤陶唐支遠流長漢訖亦金簪絃相望我僕之劉葉  
自東昌為庶于今弗耀弗彰閔極斯發赫毓省郎爵  
楷梧顯顯圭璋帝降恩言予臣孔臧尔祖尔父被予休  
光有官有勳錫爵旌疆表死榮生用勸忠良於維郡侯  
舊封若堂維郡夫人新祔茲歲嚴遺訓孤也敢忘子  
子孫孫春露秋霜享碑差我天寵煌煌永世垂輝徵此  
詩章

趙郡晉氏先茔碑

揚州路總管賈庭瑞家恩封贈其祖父母父母將勒石  
先塋以揚天子之寵光謂國史院官吳澄曰庭瑞家趙

州相鄉縣祖父諱受不仕祖母唐氏李氏父諱諒以學業爲鄉里師不幸蚤世母滑氏自誓靡他父母不能奪其志長育不肖孤教之以父書比長出而從事誤爲故丞相順德王咨刺罕所知始終服屬未嘗離去丞相行湖廣省事時任檢校又任都事丞相行江浙省事時任都事如在湖廣逮丞相入朝總百揆庭瑞主事刑部遷吏部繼除樞密院都事工部員外郎大德季年替丞相定國大計丞相既終除兵部郎中尚書省立除同安宣徽院改除度支少監以忤近侍棄官養親尚書省廢而庭瑞居母喪哀闋除揚州路總管又以不能嫚媚去職廷遇聖時錫命及二代祖父贈亞中大夫順德路總管輕車都尉追封武威郡侯祖母並追封武威郡夫人父贈嘉議大夫禮部尚書上輕車都尉追封武威郡侯母前時嘗以貞節旌表今追封武威郡夫人竊惟國家之厚於臣子蓋以勵忠孝顧庭瑞何以報稱然君賜之榮世世子孫弗敢忘吾子畀一言文諸碑以校先靈以觀來裔庭瑞之願也澄風聞賈侯剛直不撓淮官能爲人之所不能爲旣廉且勇允矣良吏非其先世所積而然與則諾而述所聞以詩之曰

洵直賈侯如百鍊金遇事講詩愧彼蒼蒼昔忠愍王天

下名相維侯是好好莫或悔司按慈真人于碎侯往  
平反寃者獲釋官給民復重難酬侯為城殺民瘼以  
瘼郭管梵宮各去嶽山送王書練念民乳報布十五萬一  
邑困瘁懇情上聞三免其二佐抗保釐政治靡墮使聞  
通變邦用靡虧脩邊展期農不失時增污發隱貴不得  
私運值危疑孰匡社稷國倚元臣侯贊密書鍾亡絃在  
郭沒介存牙音矣於正能曷伸疆暴侵陵惡必懲恣徑  
達帝聰豈攝權勢泮冗姦耗職務節縮頽竭愚忠違計  
身事作收淮海與利除害公論去思案有遺愛侯謂余  
今先慶所積為子為孫欲報罔極煌煌寵錫光徹九象

爰為之刻詩墓前呈澤如天身拜稽首永以弗謨云  
壽尔後

大元故朝列大夫僉燕南河北道肅政廉訪司事趙  
侯墓碑

侯諱思恭字仙敬相安陽人也淹貫儒術精通法律試  
郡從事以才行見知張左丞何平章侯宣慰劉中丞諸  
先達名聲日起擢掌刑部農司宣徽院吏牘勅授從事  
即轉承事承務充照磨主事經歷三任俱不離宣徽又  
轉承務即出為燕南河北道提刑按察司判官陞奉直  
大夫入為監察御史制授奉政大夫大司農司經歷改

僉河北河南道肅政廉訪司事進朝列大夫徙治燕南  
元貞丙申十一月十五日以疾卒于大名公館年五十  
五歸葬吳村原先塋之左郡守張孔孫為之志墓恭定  
乙丑余自京師還過金陵而侯之子天綱為江南諸道  
行御史臺掾持侯墓志又自述逸事狀一通請余請曰  
先人以清白自將有猷有為體魄歸于土三十年矣而  
墓碑未樹深懼平生德美久遂泯没子職之缺莫大焉  
先生閔人子懇切之情而畀之文以光其幽生死俱有  
榮也余察其情誠孝於親者乃按昔所志證令所狀而  
章其所可稱美之節大父思大父德俱消悔父仁孝交

勤儉明律孝金朝選調鈞州司獄侯來志節所廉隅脫  
云邊幅樂於從善不長尺寸生業室廬僅庇風雨家無  
婢妾自奉菲薄愛空晏如也其為御史也推相方抑臺  
憲有奇衰哀歛民財迎佛侯糾以法彼交通權門求援  
召侯至政府奮怒詰責將坐以沮壞善事之辟侯從容  
枚舉侵擾之實以白氣平理直權相孰視沈思竟弗能  
罪也山後吳州諸路饑移文請賑救省臺就命侯往隨  
便宜設方略活數萬人其為經歷也從司農長官造闕  
庭陳務農重本閔民休戚數十事以答清問其憲河南  
也條列孝弟忠信禮義廉耻之訓以諭愚頑之民俾之

趨善而不懼于罰民翕然從今及治燕南亦如之先德  
後刑凡事務存大体平反寃滯審辯無辜輕重囚生死  
獄不可勝計雖中心長厚然自能懼伏百司鎮安所部  
歲終考績嘗為諸道之最讀書尤喜義理之卒陸宣公  
奏議真文忠公大宰衍義許文貞公文集玩繹未嘗去  
手聞人有善有能不吝薦率而人鮮知蓋出自公心非  
以市私恩也內子焦氏澤州進士茂才之女貞靜淑慈  
自鑒書史待幼御下具成家範年八十三乃終至治辛  
酉歲也子男二流年十九而殤天綱由國子生貢充儒  
吏由之部遷

受父蔭主獲嘉縣海拜任與寧錄事沒官所女二適屯  
留縣主簿王蔚適瀾西廉訪僉事傅汝砺孫男三植早  
逝次構次指孫女二適譙郡第一門子孫振振已仕者能  
官未仕者知學侯之餘慶也余旣叙侯之美如右而又  
繫之以銘詩詩曰

若稽臬司衆刻寡慈綽綽儒流允也吏師耽研理趣謹  
飭名檢繫許文貞是式是範由中暨外宦三十年一寒  
如初環堵蕭然食糜飲冰匪甘維繫儀鳳鳴鳶維祥匪  
孽賑飢讞獄百萬生存陰德比于昌爾後昆吳村之原  
刻文在石永世勿墮仁者所宅

有元懷遠大將軍處州萬戶府副萬戶邢侯墓碑  
宣武將軍邢答刺忽台以處州副萬戶鎮撫州世武弁  
而好文儒教子治進士業前貢士于應雷為述其考懷  
遠大將軍之歷官行事而以請於余曰先君雄毅忠壯  
威名綽著自為偏裨已稱勇敢摧鋒陷陣勢如破竹撫  
納降附頑獷革心宦轍驅馳東盡海島南極閩嶠卒伍  
憚之如嚴師氓隸戴之如慈父棄予時逾三十載而家  
上之石未建儻蒙賜之銘詩以資泉壤豈惟生者得道  
子責哉死者亦增幽光矣屬余赴史院之徵未能有以  
塞其請貽書至拜三其請除篤余歎曰人子之孝於其

親固有若此者夫謹按其狀侯諱聚般陽路萊州人父  
德由蘭陵簿長千夫以懷遠大將軍治屯田在淮安戰  
死侯之官初擢充百戶巡檢總把千戶總管等職至元  
十四年勅授忠顯校尉佩銀符未試制授武略將軍管  
軍千戶十五年轉武德又轉宣武陞總管佩金符十八  
年轉明威陞副萬戶二十四年制授處州副萬戶二十  
七年進階懷遠大將軍侯之勲攻東海連海有功從禿  
魯罕元帥取東海連海從丞相南征畧通泰破常州定  
沿海溫福興化泉州未附之地往福之永福縣招諭潰  
軍隨日本行中書省官至耽羅山抵倭國界鎮軍如守

平戶島收輯福建八郡所轄諸山洞寨手號軍萬三千  
七百人詣海洋松門等處提備平台寇以寡克衆又獲  
仙居縣寇千餘先鎮岑江繼鎮澈浦遷鎮鉛山二十八  
年八月疾二十七日卒年六十三明年歸葬萊州掖縣  
方北村元配劉三男長福宣武將軍管軍千戶卒無嗣  
繼室張二男長答刺忽台処州副万户今鎮掖州者也  
妾之有男者三嗚呼中統至元間龍驤虎視群策群力  
雲起風生各効其用而侯之樹立若是三世將家子孫  
方昌因所報推所施侯之為符其崇陰德而抑陰謀者  
李自守銘銘曰

勇冠三軍為國虎臣表終負直壹是情真功存百戰位  
陟三品歿三十年生氣凜凜有子襲爵有孫幼學三世  
將門繩繩後昆掖郊舊墓秋霜春露幸昭斯銘邢氏之興

元故濟州達魯花赤贈中議大夫河中府知府上

騎都尉追封魏郡伯墓碑丁卯

故濟州達魯花赤述哥察兒西夏人也歷事三朝以子  
賽初贈奉議大夫汴梁路治中驍騎尉追封南樂縣子  
配康里氏追封南樂縣君維郡伯中議大夫河中府知府  
上騎都尉進封魏郡君維郡伯世為河西著族父哈石  
霸都兒善騎射饒智畧臨陣摧鋒所向無敵太祖皇帝

嘉其鷲勇錫名霸都兒母茂里吉氏以癸己生郡伯體貌魁偉器識英邁少親行伍長益精練器甲堅整馳驟効銳應變赴急奮不顧身定宗皇帝選直宿衛謹飭敏給甚稱使令從憲宗皇帝征伐不避艱險不憚勞苦凡所俘獲悉不私有丙辰歲以功受濟州達魯花赤時軍旅繹騷徵役繁重中州凋弊土曠民稀而能惠愛撫綏如古循吏於是流逋四集田野日闢境內稱治中統壬戌山東作亂奉詔拏禦南兵斬將二人奪馬二匹獲聞賞銀百兩回賜所獻二馬在官日以與濬氏相安世漸乎定無意仕延買田築室黎陽山下治生教子二十二

年乃終終之日至元甲申之歲正月壬戌也壽五十二葬黎陽山康里郡君儉勤理家至老不倦子哈刺哈孫讀儒書通文法大德庚子授承事郎江西等處行中書省左右司都事郡君受祿養壬寅正月甲辰終于官所壽六十九歸柩合葬郡伯卒後三十五年當延祐戊午子改授奉議大夫同知江州路總管府事始蒙恩封贈二親又十年當泰定丁卯子以中議大夫漢陽府知府致士再蒙恩加贈加封具書諭于臨川吳澄曰哈刺哈孫生甫四歲先父郡伯已仕莫能詳其施政恤民之實所聞於先母郡君者百不一二然承天滲榮貴泉壤至

再倘無文追述以示方來非孝也是以竊有請焉余素  
知江州貳侯之賢今又得知其先世累功之因信平水  
木之有原本也乃不辭而叙次其世如右孫男三脫因  
洳江西行省宣使納嘉德從事郎潭州路安化縣達魯  
花赤兼勸農事其季紳貢進士教化將父命詣余求文  
者也女一曾孫男五女二詩繫左詩曰皇元啓運群力  
螭奮虎虓效猛鷹隼競迅桓桓魏伯西土奇雋先朝舊  
臣育此膏胤入扈禁庭恪守忠盡出陪戎路卓冠行陣  
皇選爾勞宅牧于濟濟民父之千里河潤書省夫耕夜  
息鬼憐有牛濕濕先大秋狀世皇龍御電燁雷霆將同  
軌文首削方鎮防瓜爾牙可布可信沐浴泰和勇退佞  
廷乃治田廬乃釋綬印問里扣歡歲月一瞬英嗣闔吳  
克邁前訓秩秩訐謨廓廓游刃游芥盤根徐櫛亂鬢繼  
乘貳車爰倅列郡身名屢遷家間益振帝制榮視光被  
幽觀階職煌煌勳爵崇峻生若沉湮沒也燦燦才猷在  
昔人用弗盡遺遇在今天報罔靳窮碑勒美百世不磷  
不磷維何子孝孫順

大元少中大夫江州路總管贈太中大夫秘書大

監輕車都尉太原郡侯王安定公墓碑 至順五年

公諱彥弼蠡之博野人今亞中大夫潮州路總管元恭

之父故懷遠大將軍贈定遠大將軍武備卿上輕車都尉太原郡侯忠惠公諱興秀之子也王氏世力本務善國朝兵至河北忠惠率三十村之民迎其帥帥授以懺及蠶陷受屠三十村之民獨免從大兵徇地長千夫長萬夫授懷遠大將軍招撫使佩金符後領人匠都達魯花赤年老退閑公襲父職善譯語尚氣任俠嘗欲持匕首為交報仇因自殺衆止之選監尖家倉提領東平路鐵冶俱有績時於八處關隘各置提舉官議察竊馬互市之人授公奉直大夫潼關大使處十二年發摘奸伏不一浚關南禁溝至今人蒙灌慨利忠惠亦就養關下

至一九一一年二月五日歸社起復中順大夫黃州路管課都提舉課額最一道知安豐府事流民來歸墾灌甸荒田萬餘頃為熟田其後創立北府公之功居多陞少中大夫南康路總管督諸縣定民產高下徵役視農事急緩在前民不堪命而流止者悉復崇禎三歲再經冒暑旱災吏驅瘞不能為災燬石脩朱文公所造江岸石閘以禦風濤高林泊舟得安敗江州路總管除前官莅政暇日詣郡庠及濠溪景星兩書院勉勵士學咨詢民瘼郡庠日就摧辱學計不足以興脩公課之群儒出學廩之粟各二百斛界四士分任其責一瓦一木不以煩有司

奔者歸者鑿者朽者衆一競作或甚或因不逾月自禮殿從祀講堂門廉煥然。新郡城北頽大江城壞無敢完補公慨然興築其夏永大至郡民皆曰公實生我倘如衆議吾屬魚矣蜀人范先生大性數十年寄隱公造其廬命子事之以師禮錄其所著易輯畧以傳江州任滿還蠡不復仕謂元恭曰吾欲買田建義塾教鄉里子弟爾能遂吾志乎元恭應曰不敢背違規地四畝構講堂及兩廡延師之名德為師有田二百四十畝歲供廩食外設大門中設講居旁豎一樓以充書籍每日誦讀不廢鄉里之學然與家讓禮義之風不上下大戊申正月八日公

年八十九終於里第次月十八日合葬太原郡夫人鄭氏張氏之兆子男三元德志顯校尉安慶路管軍總把元恭由承務郎翰林都事承直郎高郵縣尹廬州路總管府推官奉議大夫江西等處行中書省理問遷亞中大夫潮州路總管文正公適金紫光祿大夫平章政事鄂國公史弼追封鄂國夫人次適汴梁路總管陳柔追封潁川郡夫人次適六合縣尹董汝楫次適中慶路參政古字教授薛良次適呂元曾曾孫男遵承直郎大都右警巡院副使進承直郎南康路總管府推官達未仕道中書省家古必間亦暹遇俱未仕女孫長適盧信次適

真定路趙州判官李某次適奉訓大夫廣州路增城縣  
尹董冲玉次適承直郎江折行省左右司都事鄧巨川  
次適史某曾孫男直用中書省宣使餘幻公之考暨公  
蒙恩追贈制曰懷遠大將軍王只季可贈定遠大將軍  
武備解上輕車都尉追封太原郡侯謚忠惠少中大夫  
三亮弼可贈太中大夫秘書太監輕車都尉追封太原  
郡侯謚文安遠至順壬申公之子元恭自朝貽書臨川  
吳澄請文墓石距公卒葬之年二十五年矣澄以孝子  
之榮哀其親也不辭而為志次其行事大槩繫之以詩  
曰正父之初執其孳壺先誠迎師全活軍門旋生英詞

繼世膺仕早負俠豪晚作循吏老而歸休系梓優游期  
化鄉人世于魯郡靡玷靡疚神所扶佑誥誥胷胤綽綽  
遐壽綸恩焜煌加賜官勲昨之矣爵易名弥尊有趙潮  
特追孝誠篤勒文堅石用顯前躅

皇元贈中順大夫禮部侍郎上騎都尉天水郡伯  
趙府君墓碑

朝散大夫雲南諸道肅政廉訪使趙成慶昨任山南憲  
副時考府君垠祖贈中順大夫禮部侍郎上騎都尉追  
封天水郡伯妣夫人胡氏贈天水縣君今將赴雲南過  
家立石墓前以表上之息以彰親之榮貽書臨川吳澄

俾文諸石浴耄耄羸疲非能馳騁筆墨者矣然廉訪使  
此舉臣之敬上也子之孝親也一舉而臣子之道兩得  
樂於為之言是以勉力承命而不辭趙氏東川著姓家  
于銅山素贏於貨輕利好惠府君少共子職母嘗病劇  
拜醫額神誠意懇切苟可已疾靡事不為母竟獲瘳其  
後天兵下蜀母已不存奉父如淪淪亦受圍又值歲飢  
貶粥已度晨夕越數年父遘時疫顧言歸骨鄉里及父  
喪俱伺兵退跋履險艱間道扶柩返喪與母同兆時蜀  
難孔棘宋東川帥百計支柱府君亦畀百夫長尋却退  
間宋亡蜀附居民始紓府君每念遭逢世運之厄能復

樂者幾夫志信博學像雖重費不吝則快懷哀閱

群疾心腸血救助事施而不靳報有負無償者弗責自  
奉甚約縷然糲糲乘戎刃參殄勤勤於小物肥肥於大倫  
衆口同稱善人翰林待制學士李貞道所撰先聖碑紀  
述備悉茲不重書府君卒大德戊戌九月四日年六十  
八其夫人卒皇慶壬子三月七日年八十二並葬鄆縣  
富國鄉之東山子男四成性成芝成憲成慶季子也其  
仕始行有禮同所知事至廉訪使十四任其階始將仕  
郎至朝散大夫凡七轉考妣愛贈官亦三矣女三婿年  
仲保王文德中女疾不瘳孫男七女七婿惟趙之先德

所培者深故其施于後嗣所發者茂廉訪使編歷中外  
臺省公忠清謹粹然無瑕之室有用之器聞者當今光  
被既往國之良臣家之良子已且數歲教老拙之文人  
子愛親之孝罔假極也雖然登之文選言尔欲顯其親  
在立身揚名恐辱其先在將身慎行廉訪使所慎所揚  
固已寡過多譽其尚彌勗所瞻亦堅所立行無怠於終  
則名有加於初香二親不朽之占延百世未艾之祉在  
已不在人也己之實行可傳其比籍人之虛言而傳者  
豈不相去萬里哉

有元朝對太夫人撫州路總管府治中致仕李侯墓碑

元統癸酉

朝列大夫撫州路總管府治中致仕李侯之子輔自洪  
郡至撫郡之遠鄙水陸五百里觸冒盛夏造吾門請曰  
輔之先君生戊申年七月三日延祐乙卯六月廿七日  
終年六十有八天曆庚午七月十一日葬磁州滄陽縣  
南之祖塋先夫人隴西郡太君陳氏生辛酉年十一月  
廿一日至順壬申四月一日終年七十有二特以其年  
某月日歸鄉祔葬焉痛惟先君棄世已十九年而墓石  
未建不肖孤弗克立身揚名以顯其親懼久遂湮沒敢  
斷一言以發潛幽則先君雖死猶生也維侯嘗官于撫

予雖不及識聞其為循良更其子能以儒術起家以時  
才獲用而予識之舊矣其情懇切誠孝於親者是以不  
辭而為之叙次如左侯諱璋字君用曾祖定祖均世為  
汴梁杞縣人考實避金亂徙廣平路磁州滏陽縣生三  
子侯其次至元六年舉兵攻襄樊伯兄留綜家務而侯  
從軍以能通書計充軍府令史天下旣一權廣西宣慰  
司都事未幾徙湖廣行省官往海外四郡建安撫司行  
省官宋舊人也徂于故習任意輕殺侯執法抗議全活  
五百以功陞化州路判官時權姦柄國任者率由賄進  
侯以善廣海運宜優叙以不阿媚至元十八年左遷潭

州澧陵縣尉二十一年授將仕郎象州路總官府知事  
未任選為湖廣省掾徙鎮南王征交趾自陸路深入官  
軍失利陷沒者半獨侯所領百衆力戰三日獲其偏校  
以還隨上官詣闕條陳軍中利害請以戰艦由海洋擣  
其巢穴因是交趾內附朝貢至今尚書省更至元鈔二  
十七年除常路平準行用庫提領鈔法流通官利民便  
元貞元年授承事郎尹贛之吳國明年有妖賊作致動  
重臣大兵殄捕侯躬率民義嚮導徧榜諸鄉諭良民棄  
砦寧家以別於賊而不罹玉石俱焚之禍先是邑中豪  
民惑於其妖各餽牛酒金帛以表崇信賊酋籍其名姓

百餘家及寇平得其藉侯撫然曰此愚民無識而然畀  
之於火竟無骨望重臣亦嘉之特其勞來安集之功而  
薦諸朝民懷其德立祠報事後聞侯喪莫不感涕大德  
四年改授吉安龍泉尹化民為善有兄弟爭田財數年  
不決侯閉門自責累日不視事其民羞愧願改過自息  
其爭脩學校之廢正版籍之詭開墾係官荒田若干畝  
歲收三千餘斛存貯以備飢歲民免艱余縣瀕大溪當  
行人往來之衝每春漲浪急渡舟常多覆溺造浮梁百  
餘丈利涉無虞在任六年既去民猶思之至大元年授  
承務郎撫州推官平反冤獄十餘行屬邑審囚咸稱其

平恕明決年未七十以疾告致仕得進階朝列進職治  
中比命下侯已先逝矣侯端謹重厚清苦澹泊仕於南  
中所得俸給悉送還家以奉二親撫育族從孤幼男女  
十數逮其成人而為嫁娶大德三年歸省祖塋買土故  
鄉凡一家內外未葬之親各以昭穆序葬墓當里之謹  
愿者永遠中護囑族屬之慈順者歲時展視初娶薛氏  
早卒再娶陳氏以長子輔息例受封從夫四品爵秩子  
男四輔繇龍興路儒學正吏工部掾江西省勅授全州  
路儒學教授掾湖廣省陞掾中書省丐侍親授承務郎  
江西等處行中書省檢校官次輅三祐四輯女三彭椿

王新梁詢埒也孫男五愿簡直某某女四適米適當適  
周幼者未行輔自述其父之事云爾輔也通而能介介  
而能通仕不廢學學不廢仕儒且才已有望有聞靡瑕  
靡壘志在章父之美勤勤如也觀其子知其父則侯之  
可銘也無愧銘曰

拔之行伍而史而府界之民士而宇而撫父也能吏子  
也才士克章前美父有孝子

臨川吳文正公集卷三十三

臨川吳文正公集卷三十四

墓表

有元翰林學士承旨資德大夫知制誥兼脩國史  
加贈宣獻佐理功臣銀青崇祿大夫少保趙國董

忠穆公墓表

公諱文用字彥才真定藁城人贈光祿大夫司徒趙國  
宣懿公諱昕之孫龍虎衛上將軍左副元帥贈推忠明  
運效節功臣大傅開府儀同三司上柱國趙國忠烈公  
諱俊之子也忠烈起自獻武為國竭忠而死有八子其  
元子文炳以左丞從伯頴丞相平江南功第一贈金紫

光祿大夫平章政事加贈宣忠佐運開濟功臣大尉開  
府儀同三司上柱國封趙國公謚忠獻其季子文忠某  
官惟慳近臣贈光祿大夫司徒加贈體仁保國佐運功  
臣太師開府儀同三司上柱國封趙國公謚正獻公忠  
獻之弟正獻之兄於次居八子中之三生十歲而孤伯  
兄忠獻教諸弟如父之教子得傳其先生軸為師故公  
器業夙成武將家偉然為文儒少事世祖皇帝于潛邸  
中統元年張公文謙宣撫大名辟公為左司郎中二年  
以兵部郎中參議都元帥府事至元元年除西夏中興  
行省郎中五年立御史其里除山東道提刑按察副使八

年置太司農司為山東勸農使十二年擢兵部侍郎十  
三年佩金虎符出為衛輝路總管去衛時年踰六十浸  
不喜仕築遐觀亭日與鄉人飲酒賦詩若將終身十九  
年起為兵部尚書尋改禮部尚書又遷翰林集賢學士  
知秘書監二十二年拜江浙行省參知政事二十五年  
為御史中丞權相忌之奏公為大司農又徙公翰林學  
士承旨三十一年成宗即位加資善大夫知制誥兼脩  
國史大德元年進資德大夫致仕六月戊申以疾薨于  
里第年七十四八月甲午葬滎城西北高里先塋之左  
五年翰林閣學士復以大都路儒學虞教授集所述行

狀撰公神道碑其後蒙恩特贈銀青榮祿大夫少保封  
壽國公謚忠穆又加贈宣猷佐理功臣改封趙國公至  
順三年公之子南康路總管士恒貽書臨川吳澄曰先  
公平生言行碑銘可稽然存膺六龍封謚名爵既異復  
有待於不一之書也澄舊嘗忝竊微祿客京華稔聞公  
名時公已即世不及親見公之行事矣謹按前碑叙公  
之大槩以表于墓初憲宗南伐先加兵於蜀世祖以太  
弟帥東侯之師趨鄂渚將次江上公伯兄獻謀謂兵法  
先人有奪人之心願假戈船先諸軍渡江公暨弟統  
勁卒數百以從徑薄南岸三戰三捷公還報世祖駐馬

臨江酌公卮酒使申令諸將曰一日中渡會憲宗前誠謂  
乘勝進取公獨建議班師歸定國事以為他日南土可  
傳檄而定世祖然其議其後宋既平每對朝臣嘉獎公  
之先識公佐西夏行省時新承渾都海之亂往往憚於  
行至者憚於留公言人臣不當避難悉心撫治開諸渠  
溉平涼甘肅瓜沙數州之田予民種及農具諸部落渡  
河來歸者日衆人地割界諸王常賦外其下徵索無度  
公與王傳言賢王國之懿親仁聲洽於四遠下人縱恣  
如此將無累王盛德乎僕指數其不法數十事傳檄廷  
白王王召公謝曰微公不聞斯言幸持此心勿怠三年

之間所畫皆便民夏境遂安森肅故饒穀粟公勸農山  
東躬自督視闢其汙萊至于海濱績最諸道公之為兵  
部侍郎也前侍郎平章阿合馬私人教鷹監之愬令侍  
郎不給鷹食世祖怒召至望見公乃曰董文用豈治鷹  
食者耶愬竟不行公之為衛輝總管也江南初臣屬董  
致金帛送京師者道徭晝夜不絕日役數千夫護送公  
曰東作方興無奪農時遣胥校足矣議引沁水入御河  
以通運漕公曰沁水地勢高於衛倘積雨彌旬沁水灌  
衛又使入河河不受還入衛則衛惟其厄且無大名長  
蘆盍矣即使者與水漸度水必公所言遂止衛人德公焉

公之為兵部尚書也預議大政江淮行省惡臺臺運總已  
欲使行臺受制行省公曰不可風憲之司猶虎令虜名僅  
存如虎雖睡人猶有所憚若正入受制於人貪虐之官吏  
蔑顧忌矣議遂寢買人盧世榮主權倖驟陞中書右丞  
謂生財有術民不加賦而歲倍入詔廷臣集議衆莫敢  
言公時為翰林集賢學士詰之曰是錢若不取於民倍  
入之利將安出譬之牧羊每歲僅可再獲其毛若特復  
一薙羊主得毛雖多而羊死寒熱定取民者亦然日削  
月朘邦本先感寧復有財可取太祖聖武皇帝提尺筆  
起朔方以有此民而忍於斃之乎丞相安童曰董尚書

議是未幾世榮誅公辭江淮參政之命曰錢穀事繁臣  
不任治劇上曰江浙重地煩州鎮之乃奉詔時行省之  
長放傲同列畏備公與論事無所屈一日選嚴酷吏百  
輩將括民田民大駭公力止之浮屠人得言於亡宋故  
宮造塔有司役民入山伐木大雨雪多凍死公命緩其  
事省長揚言參政格詔旨公曰隆冬興役民不能堪將  
失浙人心非詔旨也長有愧色事亦終日本之後倚辨  
兩入奏有詔罷兵桑苧擅權其欲雖臺臣莫敢誰何  
公爲由丞怒公不附已拮据甚務百端公與廷辨不以  
控嘗慨然曰郡縣在極敝之與它策惟當選按察使舉

雷公膺胡公祇適等十餘人天下賴之復以桑苧奸狀  
告上不報而桑苧奏公懇懇不聽令沮撓尚書省政將  
陷于辟世祖徐曰董文用朕所知由是不能言則禡其  
臺權而擯公子農官必奪民田爲屯田公固執不許則  
又禡其農職而實公於翰苑桑苧敗公譽望益重世祖  
命公授諸皇孫詔曰老人畏寒須宣和時至帳中教內  
侍親具膳每預宴與蒙古鉅族或時賜飲御榻特命  
毋拜其眷遇之隆漢人無出其右嘗命公見其諸子公  
奏荷國厚恩報効無所不敢以子弟累陞下成宗初公  
親于上都召入便殿賜錦衣玉帶雙玉珮環後幸三部

落又賜緡錢萬五千券日又奉顧問公陳國朝故事累  
累言先皇虛心納賢經國之務嘗至夜分國朝譜繫勲  
舊世家公記纂詳盡史脩實錄成就公考正上章請老  
詔賜緡錢萬券官一子鄉郡以便養既得請咨院呈省  
言故父歿於國事自願不令子孫承廢乞將自己職事  
易故父封謚時臺臣有送公出境者比還同僚訝其來  
之遲則具言公居廉貧賣居室以償所稱貸而去其父  
忠勇死國未蒙旌異今請以廢其子者易封其父豈非  
忠孝兩全之人與聞者莫不嗟愕於是會臺備舉其事  
于省符以聞奏上從蒙聖恩特贈其父功臣名號官勲計

謚夫人王氏年有元帥謀之女先公卒再娶周氏江淮  
漕運使某之女後公四日卒子男八長士貞次士亨後  
仲已古衛君之官至昭勇大將軍佩金符侍衛親軍都指  
揮副使參政二士偕四士英五士昌六士恒初以特旨  
授承務郎真定路總管府判官繼歷肅政廉訪司官僉  
事凡再副使亦再今授中大夫南康路總管七士廉國  
子功散翰林編脩李士方女四壻趙斌周叔齊東縣尹  
王良傑孫男十七守約知亳州事守 右都衛副指揮  
使文十曾孫男七玄孫男 神道碑曰公天資仁孝歲  
特事祖彌如事生事兄忠獻公如事父訓飾子弟嚴而

有禮與人之仇仇加易好賢樂善不啻飢渴蒞官以寬  
大為務不事細故國有大議能言人之所不敢遇不可辭  
氣憤方雖貴有之勇不能過閒居間朝有失政輒終夕  
不寐倚壁嘆曰祖宗險阻衆難以取天下而使賊臣壞  
之嘗言人臣當以節義為上不可偷安以負國家真憂  
之誠老而彌篤前後所上宿奸臣慝謀中公者數矣賴  
聖主知公之深眷公之忠其謀不得逞古所以忠信  
自結主知公非耶仕宦數五十年及薨其家惟有祭器  
書冊紙墨蓋得公之實云

故存此居士誥公全集

承主手即同知太和州事曾翰狀其同知公若翁頌之行  
曰君少而穎異長則重義輕財慷慨有氣節孝友稱於  
族恩信著於鄉恤孤周急救貧賑飢排難解紛不自以  
為德喜讀史觀古義士輒感慨奮發企慕若儉狡誤人  
家國忠烈不克令終必齧齒撫案嘖嘖嗟惋戒其子云  
汝曹何脩何飾而飽食煖衣苟能謙恭畏慎力學務本  
師法賢哲庶長保此每見名門鉅姓被不肖子蕩覆其  
家深可寒心汝曹戒哉人以存畊居士號之蓋目之實  
也其子欲章父之美囑所親黎世英持狀來求予文將  
勒諸石黎又介從士即茶陵州判許晉孫先導予閱其

狀有可書者遂諾不辭按狀君吉之萬安人仕淵名希  
顏字也系出長沙析泐數代後樂萬安之下造而家焉  
自曾大父生業以饒大父暨父拓闢彌廣兄弟三人君  
其季也居阨龍泉南康贛縣之衝至元末鄰境猶弗靖  
君輯護鎮遏寇不能犯里居以寧嘗寓廣陵旅邸館主  
囊括諸客之資一夕逃去眾束手罔措君揣聞于官逃  
者密令人償君一倍莫以弭訟君不可執其人悉得同  
舍所失乃已眾感其義在家兄弟眾聚怡如也僕役給  
使肅如也賓朋交際歡如也別墅山水明秀花卉羅簇  
四時之景皆足供賞前賓客過從無不吟賦有詩人流風

卒延祐二年冬季六日年五十一妻李嗣顯之望族宗戚  
咸謂賢淑成君之善內助與有力後六年而卒奏定甲  
子百夏委既望也子夢炎夢齡治前後喪合葬黃竹山之  
原孫男心孫璋珪瑜孫女二二子世書謹身切切於追  
遠孝也

臨川吳澄曰許晉孫延祐乙卯進士也曾翰泰定甲子  
進士也二進士傑特予所嘉於希顏皆非素職也而為  
之狀為之言則希顏之為人可知也是以表其墓

元贈承務郎山東東西道宣慰司經歷蔡君墓表  
撫州路總管府推官蔡族裔之父諱青天曆二年春款

追贈承務郎山東東西道宣慰司經歷母劉氏追封恭  
 人越四年子李應城推官諡子曰裔起身田野際遇明  
 時甄錄微勞齒却牧伯共治天子之民惴惴懼弗勝任  
 皇澤如春普徧群品榮被二親將何以報稱願畀一言  
 文諸墓石以章天寵之優昭示子孫于永世庶幾人臣  
 敬上之義人子愛親之誠兩不惑乎澄謹按蔡氏先世  
 歸德府睢州人經歷君之考諱旺其妣王氏遷東平之  
 汶上復遷濟寧之鉅野經歷六男三女男一澤二瑾三  
 琰推官告曰五頌六潤女一適姚二適姜三適高經歷  
 丁亥歲五月十八日... 大德己亥七月十

一日也... 甲午歲正月十三日生七十六而歿至  
 大己酉十二月四日也並葬鉅野縣之東坨村推官以  
 其父受贈之前一年仕于撫今五年矣其在郡也長貳  
 同列屢更更皆喜與之為僚下屬邑審訊獄訟者數夜聆  
 詳慎之意終始如一凡所斷決兩造靡不心悅誠服遇  
 滿未代上下咸欲其留唯恐其去一身之循良一家之  
 積累也父母身後之受國恩宜哉推官娶在亦封恭人  
 子升暨晉經歷之孫也習進士業俊邁出眾蔡氏之慶  
 其方源源而來也歟

故武義將軍臨江萬戶府上千戶所達魯花赤也

先不花墓表

故武義將軍也先不花族出乃蠻得氏隸山東河北蒙古軍初以阿木丞相帳前管軍石戶從攻襄樊伯顏丞相渡江之後後行省參政破潭州有功至元十三年授忠顯校尉管軍總把掌潭州新附軍隨湖南行省破靜江又有功靜江既得隨史萬戶徇廣西未附州郡直抵各郡城下柳賓慶遠邕州皆降諸郡既附惟遠鄉僻地阻險自保乃隨潭省參政收捕徭永等處白領軍兼領諸夷軍平珍常寧縣清水洞及火田村火元村麓石村李公洞俱底却息十四年宣授武略將軍管軍千戶佩

金牌掌新附軍如故十九年鎮守吉郡吉之永新彭原

山大和小平寨及永新煙市及朦鄉在岡及廬陵並溪及永新黎頭山相繼不靖三四年間二勦戮其為寇者縱釋其為民者二十五年宣授武義將軍上千戶所達魯花亦屬臨江萬戶府二十七年擢撥鎮守南安病作不行養病于表大德五年八月十六日卒年六十六男買奴閑習騎射讀書知義理又通蒙古言語自少給使于內至大三年宣授奉訓大夫大府院判官延祐二年臺除奉直大夫西臺御史五年改除奉議大夫南臺御史侍親不出越十年除金江西湖東道肅政廉訪司

事至順三年四月偕中使下諸郡審理罪囚八月三日  
以疾終于建昌年六十二長孫伯顏表恭定元年受宣命  
龍衣祖職次孫 未仕澄舊識御史於金陵近過臨  
川時謂其父沒三十二年而墓未立石方徵余文以表  
于墓去不半月而武義之次孫以御史之新喪至矣哀  
哉武義君疆毅勇敢臨陣每多毅戮累功不一而未及  
取高爵軍無將軍不侯之憾平其子哀然武將家之文  
儒風憲有聲望亦復不壽憐才者為之於邑焉

廬陵易中甫墓表

貢與未行時士之欲隨世訪功名者慮長非民不得

折而歸於在官之府史廬陵多利士若易中甫卓犖殊  
尤者也少登劉之博先生之門薰漬膏馥呻畢弄翰往  
往在及越輩流既而以才選從事古豫章郡遷調臨川又  
遷調宜春考滿例陞縣令吏之長得章貢零都至縣未  
及上以疾卒中甫名立中廬陵太和人生宋咸淳辛未  
十一月卒以至治癸亥七月十一日其年十月二十七  
日葬太和千秋鄉之梓潼嶺其子原徵志銘恭定乙  
丑冬余自京師還而中甫掩壙已久乃為叙其歲月以表  
于墓中甫精敏練達所歷俱有政聲在洪貸官米賑饑  
辨誣盜馬者在撫出死獄司倉平糶量在衣戢流民之

擾抑豈奪葬地之橫似此不一十歲而孤養母盡歡母  
壽終八十間居左右圖史玩閱無倦下逮術數未技亦  
皆究心娶子男一女孫男嗚呼中甫有時才曾  
不獲齒於下士展布一二是以憐才哀命之君子不能  
不歎息於斯焉

樂安陳文秀故妻賴氏阡表

賴氏秀慧居歐鄉世各推科尉宜黃生宋景定壬戌春  
二一來歸東川陳夫名文秀避芝字四男一女余其壻  
大德丙午正月終葬於畝原丁未堂封二十有三年  
夫安居文志荒阡子孫婦直後世一傳男十二孫女十

樂安懷州同知徐府君墓表西寶

安慶府君於天諱必成字幼學臨江清江縣人父與部  
侍郎諱孫宋末名臣炎祚訖錄無復有人間意遁身  
野寺越五載厭世其得安全考終脫然靡所繫累者以  
府君為之子能負荷家政不以毫髮事櫻親懷也既畢  
父喪一再受命尉潭之長沙簿汀之上杭最後同知安  
慶俱以養母不就職母黃氏令人惟一女最鍾愛納文  
陞為壻仕至集賢直學士府君視妹夫不異同出聚處  
一門終始無纖隙順悅母心備殫其極厚於所厚推之  
及人無一不厚待兄子猶子群從宗族雖疏猶親母之

黨二如妻之黨三姓恤亡周存敬尊矜賤惟均侍即所  
師暨知舊德屬已所師暨姻戚鄉里凡其後嗣冷傳弗  
克自樹者一一振德之雖技術襍流踵門亦歡愜而去  
接人謙和恭謹未嘗疾言遽色如春陽之溫煦如甘澍  
之膏潤如萬頃波池汪洋莫測其涯涘敷於倫紀篤於  
恩義有太過無不及凶歲賑施惻然猶已飢之之思六  
行之實罔或缺一日脩於家不求知於時翰林承旨王  
公構儒學提舉鄭君陶孫素不輕許與皆與府君堪館  
閣之選初娶徒姑鄉君之女再娶錄判聶君之女三娶  
同知全州總管馬君之女也二子鎰鏞居常啖藥多

剛至大庚戌忽屏藥弗服四月微病丙辰遷坐毋  
人前以辭永訣而逝年五十三其年十一月甲申葬留  
墓原舊有志銘矣恭定乙丑十二月丙申改葬族湖龍  
會山鎰復徵文表新墓惟府君之細行衆美悉數之未  
可既故為述其大節以傳不朽焉

元贈奉議大夫驍騎尉河東縣子段君墓表

君諱思溫字叔恭其先居絳之稷山自宋司理參軍應  
規始金贈中奉大夫武威郡侯鉅生鈞君之高祖也季  
弟某正隆二年進士仕至中奉大夫等州防禦使兄弟  
俱以學行顯人稱爲河東二段曾祖汝舟祖恒生克已

君之考也有詩文號遜菴集仲弟成巳至大七年進士  
主河南宜城簿詩文號菊軒集與兄齊名之又稱為河  
東二段君遜菴翁之第三子年十一而孤巳如成人從仲  
父菊軒翁學遂成名儒年二十一受室河中魯氏因  
家焉於經尤邃易春秋詩文溫厚純正授業鄉里多所  
造就節縮衣食買書萬餘卷以遺子孫安西王暉為記  
室參軍癖疾不起年二十九丁母憂致哀盡禮越四年  
仲父卒喪之如父年四十九而終至元戊子歲三月也  
次月葬穰山麓汾鄉平瀧原之北塋子輔由應奉翰林  
歷西臺南臺至二十二年二月是歲燕南河北道肅政廉訪司  
事入為國子司業常禮儀院判官君以子員贈表議  
大夫驍騎尉追封河東縣子配魯氏追封河東縣君君  
之粹學篤行奉訓大夫同贊善恕追撰志銘述之巳詳  
輔將改題墓額于石以彰天貺之榮而余為之文以表  
其墓云

元贈承事郎封丘縣尹朱君墓表丁卯

承事郎撫州路經歷朱端以書來言曰端世居汴之鄆  
陵年十六試吏踰三十為郡從事不幸二親喪又十年  
仕淮西憲府考滿授將仕佐郎太平路照磨延祐戊午  
簿建康之江寧既而掾江浙行省泰定甲子陞正七品

掌案牘于撫越三年丙寅蒙恩封贈父母吾父諱政  
字國用金末辛巳歲生樸厚淳雅重然諾常以愛人  
澤物為心處姻族里閭恂恂如也少失怙恃事祖母甚謹年  
十二奉祖母避兵匿土空中出取食為哨騎所獲帥莫  
俾為伍長率眾北渡中道宵避數百得達祖母所未幾  
再被俘與家杳不相聞留太名三十年餘壻于閩思親  
懇切日夕哀墓乃攜妻子歸至鄱陵時祖母已即世號  
慟幾絕惟兄尚存交愛弥篤養之終身吾母聞氏剛柔  
善持家恪意教子吾父年七十三而卒與母合葬汴之  
先塋父卒後三十四年贈承事郎汴梁路封丘縣丞母

贈宜人端追念先人潛德弗耀下自孤謫才幸微祿  
聖恩天廣之貫泉壤尚不刻辭示後非所以揚親之美  
而彰君之貺也端為簡書之故弗敢離次謹命子復禮  
見而有請焉先生賜一言文諸石則為臣為子者之心  
庶其有校乎余初識經歷君於公陵固已嘉其及人  
撫州之政公正實平蓋循良吏也且聞昔仕憲府時平  
反重囚多所全活其陰德在人獲報於天宜未嘗不  
有賢父何以有是賢子哉表其世美以為積善之實  
其子孫者之勸余之志也是以樂為之道而俾錫一其  
墓云封丘府君一男端也三女俱適士族孫男三長諱信

早夭次明實幼復禮孫女一

廬陵蕭明叔墓表

廬陵蕭復清儒家子能詩寄迹道家者流二月及四言  
曰蕭氏吉龍泉之著姓而吾先世居夏湖為尤盛王吳  
明叔行實文聲度越傳華屢試進出不得貢科既廢魏  
冠後袂終其身請授遺經淑後進接人和粹諳抑酒酣  
氣張直家遇如少壯不治生產屢六官晏如二卷之書亦所  
樂究屈屬續前一日猶對客談黃庭厥明無疾而逝生未  
淳祐之歲冬仲六日終於大元大德甲辰春奉土也葬  
西自入崇州王母朱氏外祖前貢士伯兄漢孫紹家學  
詩以有佳節仲兄言係早卒復清未子也吾兄不獨於時而復  
清游方之外誠懼先德泯泯無聞公能錫一曰永垂視  
以不朽乎嗚呼士之隱處而名湮沒者古今一也嗚呼大甲  
公固深悲之子之孝於而父也至矣哉余言之傳不傳  
未可知也而忍辱通孝子之志乎為書此以表于墓表及  
明叔名也

劉季說墓表

與余同生淳祐己酉歲者位之顯有程鉅夫居之近有  
劉季說所夫生之月後於余四朔一則正月中旬之九一  
則四月中旬之七季說生之日後於鉅夫之六夜一則其百

日中之午一則其夜半之子李說撫樂安人世居忠義  
鄉之良城大父煥依外氏徙雲蓋鄉之南村而卒父天  
驥自台城往後為是生李說名曰夢生警敏悌恪三歲  
而孤母督勗俾進於學雖童稚器識如老成十許歲偶  
至市觀奕有長者曰若亦好此乎聞言羞赧疾步而歸  
爾後雖休暇不出書室能舉子業每不自足究玩理趣  
務蹈其實群聚俾譁已獨莊重不苟言笑然外寬內怡  
亦不忤俗侍母奉養無違持愛情文兼備年之日會送  
者數千滴強冠入境望見錦旌聞鼓聲以為官軍  
驚駭而去伯已有年矣世業為愼先廬又燬

兵盜交擾遂避地他邑繼惟橫政苛斂之禍流離困迫  
恬然略不芥蒂事勢僅定乃築室台城舊基生理漸完  
汲汲收書無印本者筆工抄寫諸子百家外天文地理  
醫卜種樹老佛之說靡不歷覽先秦以來古文凡意  
義同者類相附從中寓教戒足以垂世冠昏喪祭動必  
遵禮有疑則問辯考正而後行喜談人善或有不善面  
責其非語當心公人自愧服親故不給隨力以瘞歲飢  
竭意贍賑為富戶倡自底空匱終不怨悔常時命醫治  
藥貧病之人來言疾狀即與不取其直邑之長貳聞名  
願見見必加敬凶狡下人心亮其誠不忍侵侮嘗受公

委嚴實學產不受私囑隱漏悉復命攝教官諸生日益  
勤勵所居前受左右種梅襟植花卉四時皆可娛目娶  
何繼賴男某某女適某某孫男四孫女六皇慶壬子八  
月丁亥以疾終延祐甲寅十二月甲申附葬折原南坑  
祖塋之左泰定丙寅余還自禁林李說之子來請曰先  
子信厚本於天整肅成於學葬有三年矣而墓碣未  
立懼無以傳久遠先生其賜一言余惟李說似夷之清  
而不害其同似惠之和而不失其介疇昔相與論學有  
樂無倦豈謂後余以生而先余以沒乎因其子之請而  
動余悲惻惻感激不能已也聊爲述其大槩以表于墓

揭志道墓表

豐城揭車之大夫道孫字志道英偉其豪邁須髮皆張少  
業進士一筆千餘言世草伎無所施則尚羊山水幽處  
痛飲狂歌繼以大息後乃還治農圃教授鄉里車曰吾  
祖客外每食舍因將歸遺親親沒事兒如父事姊如母  
姊寡有子十歲被俘極力徧求弗獲養姊于家終其身  
作堂名廣思歲時於中序族年逾四十而鰥不再娶晚  
嗜佛書酒肉俱斷風月良夜鼓琴一二操聲動鬼神年  
六十八將終意氣閒定家人環立搖手止之曰勿亂凝  
然而逝噫此士之不遇者也若酒若佛蓋託爲以消遣

世慮而不知者。嗾其使酒佞佛云。車能助學。懼其祖之湮沒無聞。可謂慈孫也已。

故善人申屠君墓表 天曆戊辰

君諱義字順之前翰林待制承德郎僉江北淮西道肅政廉訪司事致遠之父也。待制為監察御史時風采振揚。余往歲客江淮間。聞其名籍籍。後二十餘年始識待制之子駒於京師。既而駒從事江西。余亦歸自禁林。泰定丁卯。駒以文一帙來曰。此駒大父之行實也。葬已三十九年矣。而墓石未建。敢斷一言表于墓。以示子孫。余閱其文。知君之為善人也。并是父固直而子君為之

中書省八世孫于汴宋靖康之亂。避禍難者。隱居。其墓者。留此者。留此者。之後也。考諱信。仕金為老。汝守君幼好書。務實。錢從趙禮部。兼文游。效其字法。金季遷都河南。被兵。重以饑饉。人相食。且盡。君幸而存。亦遭俘掠。將同群眾。然戮以次。及君。君無懼色。軍中深喜。僧奇其狀。貌呼之。與燕。留。索左右。獨免受刃。梁以君歸。懼愛。若光弟。未幾。入。誣告。梁。恣以重辟。君為書。事竟得解。隨梁。遷。鄆。占籍。壽。良。致遠。既生。才氣。殊特。梁妻以女。信弟。效。貞。肆業。東平。部。序。課。試。中。選。官。復。其。家。始。與。梁。異。居。梁。汝。州。州。長。也。君。隱。於。賈。衡。量。必。省。息。不。敢。贏。儲。

米以備歉歉則平糶廣貸饑者饋之食貧不能償所負  
焚券勿責田宅相讓偶有侵侮輒避其畔素貯秘方療  
帶下疾捐貲製藥給施救活甚夥宋平家畜奴虜餘二  
百指或以直購弗許悉縱為民思復故鄉者給以行囊  
嘗有人遺一囊在道上又有一人遺一斗在門內莫知  
誰何多方訪查還界其主動儉治生中年交方外友恬  
澹之券欲致遠兒時問何事可立身君督勗以學內師金  
進士解器之外師郵牧嚴侯所聘梁希然遂成大器後  
往御史辭於君曰御史言職也始娶則瘵官忠直則累  
親類大人勿掛懷抱君曰汝其勉哉吾不憂也及聞折

姦相誣劾輿言四達則喜曰吾有子矣至元戊子冬致遠  
來侍明年巳丑四月三日君卒其生當金取安庚午之  
十月享年八十先墓在汴地於河流別葬壽也節順鄉  
之閭村配張氏後四年壬辰二月十一日卒其生當金  
明昌甲子之八月享年八十九附葬于君之兆子男二  
致遠仕至廉訪僉事效具安壽豐縣丞女二適許適宋孫  
男八伯駢驥駒駟驎駟駟駟駟其一湖南道廉訪司知事  
其二真州學正錄其四江西省掾餘未仕女五適李適馮  
適傅適劉季未行而亡李者翰林侍講學士之紹也曾  
孫男五鑄鑑某鈞鉉女七適吳適毋適成餘在室噫此

皆善人之子之孫之曾玄也夫觀木者必尋其本觀水者必溯其原中層君生值亂離其難其劬而若子若孫若子之孫孫之子顯聞于世者雖千家豈非前人一念之善為之本原也哉余既與君之孫厚又嘗與君之孫婿李之紹共談故不諱而表君之墓俾君之子子孫孫世增其善以光于前以聞于後善愈積則慶愈豐其慶愈豐則傳愈永苟至於是中層氏積善之報又豈啻如今所觀而已

元贈承務郎龍興路南昌縣尹熊君墓表

行若歸日廣子存甫王考昭天許士考公益不仕世系

豫章郡南昌縣之盧觀國朝既得江南乃徙郡城之西備敦信義樂賓朋訓子尤篤持身謹而謙存心厚而寬善譽著鄉里孝行稱於宗族非甚豐裕隨力應供貧乏人或不能悉償者勿問歲遇旱澇悉發儲粟周匱急黠吏嘗加以重役他人多致敗家而處之泰然比及役滿不能有所損晚年逍遙間適清趣和氣融液浹洽大德己亥八月甲寅無疾而逝年六十三是歲十二月庚申歸葬盧觀之原配何氏後九年卒子仲賢仲貴仲崇仲華仲貴承務郎吉安路萬安縣尹兼勸農事以廉能名蒙恩封贈父母而府君受南昌之命何氏追封恭人往

歲子被告召赴禁林時仲貴從事江西行省識予於公館令將勒石墓道以彰天渥之榮求予文之子素知熊為豫章大姓又聞府君為一邑善人而萬安之政績能不忝於親其美皆可書也是以下辭而表其墓焉孫男德新瑞州路儒學錄次德明曾孫男二女一

故贈承事郎樂陵縣尹張君墓表

河間張策起自畝畝承父母命暨其弟簞學于國子學數年後俱得仕官陞七品恭定二年秋父之賢贈承事郎樂陵縣尹母李氏贈恭人策每對予涕泣謂兄弟以臣學故弗獲朝夕定省親病弗及侍聞而至哀想已歿矣追痛如割雖生奚為比予南還而策求文表親之墓誠孝誠哀其志可閔乃為述其父之行而俾壽諸石策之諡予者曰策先代濟南利津人也大父避地因家樂陵吾父字世英躬耕養親時或樵採鬻學諸市以供甘旨

農隙從師授書通其大義大父嘗疾思生鯉居在平陸莫能致也夜冒寒走二百里得之以歸縣署為吏非所欲持心平恕遇事剖決悉當廉慎自將不激不隨以事留府忽心悸亟馳而旋則大父病已三日極力醫治弗救居喪毀瘠葬日大雨呼天長號雨遂止雲開漏日既掩壙雨復作人咸異焉有為盜者諭之曰你敢非已之

物蓋圖日利事敗陷刑適以自害曷不思乎盜愧悟改  
過嘗夜經澤中迷所之大呼求救有應者曰前有深淵  
陷者必死慎勿往可隨吾行以杖測而前道行三里許  
乃出于險問其人爲誰則曰吾向被誣賴君辨明脫于  
獄幸漁於此識君之聲特以報德終不言姓名而去丞  
相塔思不花總鷹房事吾父提舉山東諸路職是者多  
並緣侵擾民懼寃苦無從告許吾父獨不尔所過莫不  
感悅競持酒食以饋一無所受未幾移疾退間以約濟  
勤家漸饒裕連年旱澇千里饑饉隨所有賑施金活甚  
衆疫癘死者相枕藉日辦粥藥給宗黨凡別瘞之延祐

七年四月二十二日以疾終年五十八吾母親紡織操  
井曰儉素以相吾父同日先二十一日卒年五十四是  
年五月十八日合葬樂陵東北張岡莊之原生男四人  
策由中書左曹掾授詹事院管勾進階從事即遷中  
書檢校箠由中書右曹掾授太常禮儀院都事其二早  
遊節甫冠女四人孫男三女亦四策又嘗言其父沈鷲恢  
廓喜愠不形人有不善不翅已有人有小失盡忠以規  
孝養甚豐自奉則菲予觀策兄弟殖學致祿趨操不  
凡意其必有本始及聞其父之美益信其然嗚呼天人  
相與應接影響承事君生而淑善沒而榮昌予樂道之

固將以為來者勸非特慰孝子之心而已

國子生葉恒母褚氏墓表

國子生葉恒之母既葬矣予在京師數求文表其墓及歸田又以書來請至再噫恒母賢母也今人知孟母之賢以有孟子為之子孟子所以為孟子者無他擴充其仁義禮知之心而已是心也孟子有之恒亦有之充不充在乎為不為恒如舍去俗學而學孟子是使其母為孟母也孝莫大焉不求諸己之實而求人之文以顯其親外也恒曰吾母諱淨真汝褚氏世家越之餘姚生宋咸淳乙丑二月十九日年五十一歲歸來山結茅事之頃

治紡績蠶織勤於內外族姻睦男阿恂女適陳身主壽

朋孫男震大元至治辛酉十二月十三日歿明年葬鄞

縣翔鳳鄉青山之原恒又名遜家于鄞

臨川吳文正公集卷之三十五

墓表三

大元昭勇將軍河南欽使征行萬戶贈宣忠秉義  
功臣資善大夫胡廣等處行中書省左丞上護軍

齊國張武定公墓表

公燕人世居東安祖考仁義管軍元帥贈推忠守義功  
臣中奉大夫河南江北等處行中書省參知政事護軍  
追封齊郡公謚武毅祖妣李氏追封齊郡夫人考禧鎮  
國上將軍日本行中書省參知政事贈推誠著節功臣  
榮祿大夫湖廣等處行中書省平章政事柱國追封齊

國公謚忠烈妣國氏追封齊國夫人公諱弘綱字憲臣  
膂力伎藝冠絕部伍自小從軍先登陷陣平地超躍上  
馬足不履蹬射虎輒殪視若狐兔攻城被二甲野戰則  
被一甲從元帥阿朮往來襄漢兩茫間十餘年每與宋  
騎兵遇左臂擐革圓牌周旋護衛矢不及身惟元帥及  
公二人能用此它人不能也湖洲寇數萬行省命公率  
數千兵往捕公距賊巢十里而營或曰賊近知我虛實  
倘率衆圍我坐視危困不若急攻乘其未備公曰吾有  
萬全計爾姑竢誘致山中老人數輩諭之曰汝等各  
有妻子產業存安樂趨死亡何耶汝能備告告壽及今攻

圍猶可生也如其不然金鼓一震悔之無及老人皆叩  
頭曰實非好亂爲賊所逼今日生死惟在將軍公命數  
吏不持弓矢從者人至賊所約以三日內釋兵還家爲  
良民衆息如約無或後期給安慰撤文揭之于門令諸  
軍毋得驚擾復業之家乃分道入山餘寇僅虜百數一  
一就擒諸軍賀曰今日見公萬全之計矣公曰賊衆我  
寡林密山深弓馬不便若不示以生路數萬之衆致死  
向我我何以當先散其黨則擒之易爾行省又命捕建  
德盜寇亦平定公初鎮暨陽移鎮京口又移鎮通州禁  
止擄掠出巡鄉村自齎糧食民訴軍卒攘鷄豚奪衣服

聽其隨行前至阻水有橋處立馬集眾搜檢各卒行索  
俾詞者識證撲去量物輕重受答謂再犯必加重刑竟  
無復有敢犯者由是鄉民安居深感公德其後公去不  
復莫不興哀流涕公孝於事親少時已能脫父母於難  
嘗逢參政公怒撻之流血畧無疾怒人間之隨其事曰  
偶爾觸物而傷奔參政公喪年已六十晝夜無行多下  
馬步走通州抵都城之南二十里不半月而達望柩慟  
哀幾至墮滅教子甚嚴然未嘗違養色家法整肅內外  
截截女子無大故不出中門友兄弟睦鄰戚見貧乏者  
必周其急接人恭謹饌客豐盛而自儉約雖愛妾無廢

服晚年好讀書暇日嘗就館講論歷管管軍總把陞  
總管招討副使陞正使終河南諸翼征行萬戶府萬戶  
初以忠顯校尉佩銀符繼以昭信校尉佩金符進廣威  
將軍定遠大將軍以至昭勇將軍佩三珠虎符公之卒  
有行狀有墓誌有神道碑歿後二十四年贈宣忠秉義  
功臣資善大夫湖廣等處行中書省左丞上護軍追封  
齊郡公謚武定先配左氏追封齊郡夫人繼室楊氏封  
郡大夫人公之子廉訪副使漢將立石以紀恩命之隆  
徵文於予惟公孝義忠勇出自天性平朱立戰功征蠻  
著死節其勲名赫赫在人耳目狀誌碑已具載茲不再

錄撫公遺事一二以表于墓云

故徐令人黃氏墓表

清江徐謚曰謚生三月而喪所恃惟祖母焉依否則無以至今日祖母繫出崇學鄉上湖里之黃家世儒族福州助教諱甲之孫彬州司法諱汝礪之子也宋景定壬戌歸于我祖父左史兵部侍郎蒙恩累封令人歸之歲侍郎登進士科隨宦湖南連治劇縣號稱良吏陞陟朝班歷諫臺侍從號名卿蓋齊家得內助力心慮靡所分國爾公以是聲聞副其實運其華其焚先君奉令人間道還家未幾侍郎亦歸隱逝五年至元庚辰始捐館令人獨主家政垂四十年一延祐丁丑冬乃終年八十一衆

口稱美謂一身五福備矣自奉簡質每服浣濯縫補之衣雖高年猶然鞠訓諸孫諸外孫慈愛均壹禮遇宗戚各稱其情有腆無替舍食省客罔或懈厭蒞家嚴肅而待下月恩咸感悅畏憚遠近族端竊視所行取其家範日坐堂上區畫纖悉夜分乃寐率以為常處事曲當有丈夫弗能逮者卒後二歲葬富州泰定丁卯十一月朏改葬檀溪之西園祔于侍郎之兆墓相距尋有奇其初定謚之姑夫李嘗有述以納諸壙今再定矣敢祈先生一語光泉壤噫予昔獲與令人之子同知暨其壻學士

者游審其內治信如今所云鍾愛季女館壻于室其子  
之事母甚孝子孝齊家舉不及終養然前有孝子後有  
慈孫其存其歿俱有福也以鎰所言合予所知而表於  
其墓焉子震早亡次茂同知安慶州事塔豫章李泉廬  
陵文陞集賢直奉訓大夫孫則誠清湘縣尉鎰征東行  
省理問所知事鏞改名九成珍州儒學正晉之為表

元贈承事郎同知深州事崔君墓表

然年予客金陵真定崔原道津南臺行人職剛腸疾惡  
勇於赴義以千古不化今言行或相契照涼數數過從  
不喜亦來學南臺任方十月朝命受節西憲獨任

選克星子縣尹縣隸南昌路與予所居同為江西道俾  
嚮造予求文文其考承事君之墓石承事君諱傑字產  
卿其先臨州人臨降淄三郡俱有墓墳高祖某在金權  
魏科曾祖某宣武將軍邑親王鎮河南柘城縣回而家  
焉祖某為儒不仕父某母孟氏壽近一百歲國朝既得  
河南地徙遺民實北邊君奉父母自柘城徙真定之元  
氏縣倉卒就道程期逼迫上世誥勅譜課悉委弃中途  
而云乘更革之會取爵位者不一君獨闢菜圃蔬耕種  
自樂寬厚謙讓儀度有古長者風聞人善亟稱不絕口  
聞人惡戚然懼其陷罪畧里人闚闚輒不即官府而詣

君判曲直公誠能服人心故也廓廓有容忍或肆凌侮待以一笑彼自愧慙而止焉延祐庚申七月之望疾終丁家年八十四子貴贈承事郎同知深州事配馮氏勤儉克相養姑至孝先卒年五十贈宜人子男三長道原字君章次其字君美季天瑞字君祥女二適曹適張孫男五德喜允誠愚女二曾孫男三女一君章混混流俗中毅然特異今觀其家之所積若是有良考固宜名嗣喜之學文進進立身揚顯未可涯也為書所聞以表于墓前

石城胡際如妻徐氏墓表

穎士胡廉言曰廉家任石城至元未黃之劇寇駐頓境當路不函殄平受其降而許其留俾掠殺戮自若群不逞相挺而起環二三百里罹其凶害遑遑奔竄先父字際叔已丑年春避寇病卒于途先母徐氏續簪珥以葬廉甫九歲弟紹甫六歲一女兄幼德已適賴幼端未行寇勢益張其冬往依舅氏僉謂亂世殺禮多婚庚寅春以次女兄適廖氏舅家難父居轉依長女地寇息始復故里滿目蒿萊死者過半田無人耕一二鄰舊雖為編茅蓋頭然槁無生意莫可安栖依近族依遠族依內親依外親或半月或一月或二三月靡有定止如是又數

年乃還茅廬之中習耕家間荒涼人所不堪廉捆履賣  
小弟造箬笠母陰冬練衣晝夜不下機不停梭共營二  
子一母之衣食不死於凍餒幸爾廉年二十出訓家童  
歲得所奉助養自是飢寒頗紓越五六年母不待終養  
大德乙巳年十一月十九日棄其孤而從先父於地下  
哀哉吾母慧性敏豫見幾微避寇之初遇一舊識荷  
弋而趨語先父曰左右前後皆寇指示其澤可以藏匿  
既至先母疑焉從而之他其夜寇果即彼所又嘗一族  
偕行搬挈行李先母督促甚急眾莫曉解行速向前者  
薄暮達邑有二站與商行緩殿後被寇追及殞命相去僅

二里許亂離之後不知三世墳墓所在得足弁草履獲  
廉徧處尋訪深入荆棘叢中衣雖面傷不憚彌度經三  
四年遂獲識認曾祖考妣祖考妣及叔之墳凡五祖考  
殞淡土棺壞母勵哭幾絕易棺而定適康之女兄半年  
間寇虜其夫不婦夫兄抑使改嫁私受人聘女兄誓死  
不從聘者高其義不願疆婚而罷蔬食窮筭不釋喪服  
一十七年終于夫家廉伶仃孤苦日事薪水稍暇母令  
求書以讀儻值良友遣廉親炙庶粗識數字能書姓名  
以此之故吾母諱貴貞生未溥祐癸卯備歷艱危無愠  
無怨男不廢所學女不二所天皆母之教母在時庶未

娶今有妻有子矣思為卧冰負米而不可得延祐已未  
克故叢葬母于栢里之賴田哀哀劬勞欲報罔極敢以  
為先生告予觀胡母之貧而處患難胡安之少而守志  
節胡廉年垂五十而哀慕不忘亦可謂賢母貞女孝子  
已一家萃三善行尤難也既嘉歎之因數因為叙次所  
言俾以表于其母之墓

故月舫翁熊君墓志

古豫章郡之豐城縣今緱龍興路之富州州之著姓熊  
最盛姓則同而族各異惟高之熊有號月舫翁者宋淳  
祐庚戌九月廿五日卒於家年二十一歲其

為從事無聊因之過一婦人其夫死已久其夫之文嗚呼  
矣明年夏翁之妻嘗言其夫死後其妻之命由來請益  
力雷震自述其父之行曰吾父無幹豐歷坐立凝重溫  
和莊肅周或傲惰同里志書雷公宜中妻以弟之女孝  
親順長治家斬斬父命為伯父親後同父之兄先歿撫  
育其遺孤若已子保護其生殖若已業而宗外戚待之  
曲當晨夕詣先祠定省如親之存出入必一至四時萬  
事禮甚謹里惡少肆暴潛俾鎮服雖供給公上迎徠師  
旅未嘗乘時倚勢以作威虐猶漁獵於人必折以理無  
所避惕排難解紛不憚勞苦費酬酢敏練蒙惠者恩之

賢士大夫時造吾門州尹陳侯元類嘗留題云窈窕清  
流環貂隴參差層閣負松岡父年艾者齒髮不少衰飲  
雖多不亂孰不期以上壽豈謂下壽而終乎葬於於泃  
湖之樟山予辭其請不能得乃爲叙其槩焉翁之配雷  
氏至元曰子年卒子男七今存者曰雷震曰霖曰霖其  
二其四其五皆已逝其三出後異姓女一雷芭壻也孫  
男女十七曾孫男女七鵬升公之名幼程翁之字月舫  
者真自號也

故奉義大夫安定州之元侯查忽赤魯慶於六月

辛卯年甲寅二月於滑州白馬縣石佛村之先塋十有

九年笑侯之子哈喇那海任江西省員外郎乃噶前掾

之楊逸來索文以表其父之墓澄臥病山間久聞員外

在省之替畫今閱其父元侯之行蹟又知世美之有自

也僕蒙古人寓居滑之白馬縣考馬哥以軍功長下夫

當從軍而身有瘍已出舍三十里侯年甫十六追及代

行在軍能力戰渡江南伐累獲功賞本國言語暨別國

言語俱精儒書吏文亦闢其樊充江西省通事樞密行

院立徙行院通事行院廢仍行省通事如初至元壬辰

授從事郎興國路通山縣達魯花赤政聲上徹湖廣行

省平章答剌罕選充本省通事平章遷江浙省丞相侯  
隨入覲薦為江浙行省副都鎮撫未幾丞相進位中書  
左丞相奏充都省通事大德乙巳承授務郎吉州路總  
管府判官官滿改判衡州路官滿陞奉議大夫安定州  
達魯花赤未赴以疾終于衡年六十有九時長子在朝  
奔喪來至偕次子卯兀那海護柩歸葬侯心地坦易德  
量恢弘接物謙抑待士尤厚每談析經理書生遜服皇  
子鎮南王征交趾還駐武昌世祖皇帝頗以兵出無功  
忿之侯奉行省命赴都稟奏旨謂所奏不明進求使司  
狀都省丞相以侯入見侯敷陳周悉上意頓悟侯勸

愛子之念遣使賜食賜酒慰其勤勞皇子嘉其能回  
天怒遺幣馬以報此其專對之長也從江西右丞督運  
占城軍糧廣州海賊前梗侯犯難搏戰賊潰運道遂通  
右丞賞以白金食器從江西平章討瑞州寇侯奮力勦  
殺賊敗悉俘其黨平章賞以財屬二十口從湖廣右丞  
討廣西賊有功又受白金器皿之賞武昌百里外三虎  
食民牛畜居者徒避行者阻隔侯從省官出捕一咆哮  
虎前衝平章馬驚墮地侯一箭中虎以已所騎坐馬扶  
掖平章上馬馳去得脫於危平章還省壯其勇且義此  
其武藝之優也長一縣佐兩郡遺愛在民去而見思在

通山時邑民供給驛置道里迂迴甚以為苦侯詣省辨  
訴憚斬黃之民供淮北之驛通山之民供江北之驛各  
適其便彼此之民感德在衡州時重脩公解侯慮吏胥  
並緣騷動乃具飲饌延致富戶捐已俸為倡勸其輸財  
以助操廉幹人掌出納不經吏手科配新構宏麗未半  
歲而功畢侵擾不及於民前此運糧之官交納倘有欠  
少必言舟人責舟以償不足則債及子女侯督湖南海  
運糧數一萬躬親視其槩量受納者雖強悍侯不可欺  
守廉潔無一得之填欠之害前此造舟之家率至破  
產是以官車亦不為求故也侯造運船五十艘召屬邑

議其制度約以期限聽民自為時加勉勞執役之工民  
樂其寬爭先辦集未踰日而舟成民省勞費此其官政  
之善也聽訟斷獄不假刑威咸得其情他處疑事不決  
上司輒委訊鞠守職謹恪持身廉慎於官長同僚恭而  
有禮於府史胥徒嚴而有恩工自朝廷大臣下自閭閻  
小民見者莫不加敬加愛治家動遵禮法其事親也孝  
妣黃氏年八十餘養致其樂喪致其哀其事長也悌家  
產寶器讓與其兄忽里哈赤而以貧儉自處其撫幼也  
慈有過則循循善誘最以勸學閨門之內雍雍如也夫  
人劉氏河西巨族封元城縣君淑懿柔順內助多所匡

益男二長哈刺那海由內臺監察御史兵部員外郎食  
淮東江北道肅政廉訪司事為江西等處行中書省左  
右司之貳娶昭文館大學士榮祿大夫白雲平章之女  
次弟兀那海龍受平江十字翼千戶達魯花赤聚鎮守  
衡州張萬戶之女女二娶武校尉右帥府百戶伯顏將  
仕即肇慶路四會縣達魯花赤燕只哥其壻也孫男三  
女子予觀古聖人有才難之歎以今世而論儒或不通  
於吏妻或不通於儒而武之與文兩全者鮮僕家世用  
武而文事克兼習尚好儒而吏事亦熟才而若是允謂  
難也已况又有子不隳家聲繼今以往侯之胤胄名位

業有光于前矣翹如今也哉是以因甘子之請而表  
其美於墓石以諭方來焉

元懷遠大將軍行都漕運使贈昭勇大將軍真定  
路總管上輕車都尉博陵郡侯謚桓靖崔公墓

表

崔公姓也德彰公名也光甫公字也大寧富庶縣北韓  
里公之家也公之考諱祥金季取千衆于鄉及國朝兵  
至以其衆附得命就領之既而隸真定史帥麾下從史  
帥取河北山東諸郡值金降人叛帥之弟平其亂官至  
管軍千戶真定同知權府事公其中子也謀畧如其考

憲宗朝乙卯歲攝蘇州慶都等處行軍十二隨史萬戶  
成鄧西起武當東抵下邳結治壁壘亘數千里己未歲  
世祖師指鄂戰武磯公敗宋江州都統軍中統元年庚  
申改授金符至元四年丁卯從阿木破宋劉義統五年  
麟宋鄧若南川高頭擒其將五九年宋將張貴餉襄陽  
圍城中粟乘夜出公督諸將奪其舟而殲梅逼襄樊城  
感鄧黃家堡十一年冬圍沙洋渡江襲青山磯大捷十  
二年春宋師潰于丁家洲公追逐百餘里獲將士二百  
戰艦五十進臨江陵督砲兵推木柵以入克其城益公  
宋兵之授宣武將軍管軍總管由宣陞顯武復遷懷遠

大將軍兩浙江淮行都漕運使金虎符在職數年轉輸  
裕如也一日言曰曩言力行陣委身於國豈暇恤家之  
私四海既一報國事終當歸養老母以共子職幡然弃  
官去十七年十二月二十七日遘疾而終年四十九明  
年正月九日祔葬真定真定縣治頭原之先塋美人史  
氏北京路行六部尚書諱秉直之孫宣雅真定河間六  
名衛輝濟南五路萬戶諱天安之女子男二曰武略曰  
軍管軍上子五顯承直即撫州昭宗仁縣五女二壻忠  
顯校尉德州齊河縣尹史炤奉直大夫金陝西漢中道  
兩政廉訪司事史燧也至順元年庚午制贈昭勇大將

軍首其定路統管上輕車都尉博陵郡侯謚和靖追封之  
氏博陵郡夫人而公之子在崇仁貽書云先人歿五十  
年餘一親始受褒封若不勒辭以昭天寵無以盡人子  
之道斬界片文文諸石予覽公之墓誌銘神道碑載公  
事蹟備矣今最其大凡而表國恩之隆公先幾款附知  
也向敵莫禦勇也竭力為國忠也念親還家孝也一身  
而兼知日勇忠孝之美四允矣當代之英賢乎天畀其身  
後之榮陟階賜勳疏封頒爵易名節惠著聞土克國之  
著實樂令然之德孝子慈孫雖百世猶將家其元賴取  
光弥久而弥彰焉予不及識公而識崇仁君其潔已其

愛人所謂豈弟君子民之父母又有增光於世者何  
其世祀也已

故逸士曹君名父墓表

臨川曹名父諱原傑生宋淳祐乙巳九月丙申六十有  
二元大德丙午十有二月庚申終其配龍氏諱美英生  
淳祐丙午閏四月壬子亦年六十有二大德丁未正月  
終兩月間有三年之喪二其孤以至大戊申四月己酉  
葬後喪于金谿縣歸德鄉之朱陂是年六月甲寅葬前  
喪于崇仁縣穎秀鄉之苦竹葬之先後合禮美越二十  
有三年至順庚午秋孤磔走二百餘里造吾言曰葬將

改葬父喪于臨川縣明賢之京路改葬母喪于舊穴之  
前二步許予雖然驚愕憶古有改葬禮蓋非孝子之所樂  
或因水齧墓而改國不可已或因葬有闕而改則不如  
其已也昔登於母喪犯此惡每一思念痛恨自訟無所  
容其身自惟不孝於親不顧人之如已也而壁亦為之  
乎壁求予文以表新墓謹按舊所誌曹之曾祖漢賢祖  
煥考世永妣龍氏寵之曾祖延慶祖汝孺考庭瑞妣陳  
氏名父少習進士業恪共子職應務中倫壯歲散醫家  
書有以疾告必續之藥待人和易咸得其歡心戒其子  
云我死處由事寬身宜如我毋劫世俗龍氏勤納一織紵

祭品敬勅系薦新嘗恐必相夫治生訓予以禮義廉耻為  
先噫名父良士也其配亦賢婦哉男二長壁次惠子女  
四孫男六孫女五改葬之期某年月日也

故宋大學進士解君景表

自古以保姓受氏之悠久為難而况後世乎吉有解歷  
唐宋逮于今五六百年為儒族難已始家廬陵之同水  
鄉後徙吉水之東門坊以儒發身者代不乏人解君諱  
夢斗字孔陽一字星瑞工舉子詩賦宋景定甲子貢于  
鄉咸淳戊申入太學越三年庚午又以大學薦名試禮  
部曾祖叔達祖寅俱不仕父谷淳祐己酉壬子兩預江

西轉運司貢母王氏以子入學恩封孺人弱冠喪父事  
母事兄稱孝友咸淳未喪母比服滿大運將革遂不復  
至大學教授于家父讓所受之世業與諸弟父之弟翔  
罷沒于外子幼君為歸其喪歲歲用已田易米賑施隣  
里母之黨貧分食以食之妻之父死鬻產以窆之科廢  
四十年教子若孫勿棄舊學元皇慶癸丑十月丙寅  
無疾而終年七十有九延祐乙卯十月甲申葬于鑑湖  
之原初娶蕭生三女再娶鄧生二男一女男應辰撫州  
路儒學正應由常貳縣教劃恕濫喬鄉貢進士羅用  
發建康路儒學教授胡敬培也孫男八觀蒙熙中元嘗

仁三鄉真第四第五名孫女三鄉人劉岳申已誌君之  
葬應辰江撫復請予文表君之墓君之自立若此子之  
追孝若此諸孫之表表其揚名顯親可期也是  
為表云

### 有元張君墓表

張氏之先霸州益津人立亡時就食敵州交河之建城  
鎮因家焉君諱禧力本多能涉書大義敦厚朴愿不事  
機巧有侵畔者讓弗與較卒使愧悔里人賢之子完為  
治書侍御史君受祿養至大辛亥四月四日乙巳終  
丁京師年八十四完奉柩歸葬于先塋是月辛酉也君

之考請寶貨而好施整所有賑饑隣不計家之價之雪  
天嘗值無所栖泊之客延之宿食飛蝗入境竭誠默禱  
遍集四野獨不犯其稼君之妣王氏生甫八歲而喪事  
維母趙氏如母君之配趙氏世居建城之北理家儉勤  
有法先七年卒得年七十君之子五曰進曰忠曰完曰  
信曰賜進簡重不苟忠質直自怡完事成宗于潛即得  
見世祖初授承事郎興國路判官廉明有聲遷戶部司  
計出點視倉站遇鷹房官害民歸上彈于省再遷監察  
御史擊疆無所避忌下女夏去服滿起擢太中大夫治  
書侍御史風力如監時忤尚書省權及幾不克聖上

龍飛特顯用又以父憂去除河東道廉訪使轉正議大  
夫同知統管皆不赴除工部尚書不及祿而卒賜端恪  
早亡信溫謹給事皇太后宮君之孫七進所生曰允曰  
正曰誠忠所生曰賢完所生曰彝曰仁嘉信所生曰禮  
君之曾孫四正所生曰定安誠所生曰錫柱賢所生曰  
永安曰燕珊君之女一婿劉順孫女八完在御史臺糾  
尚書省之過舉朝愕眙余時在國子監令國子生張策  
告曰人臣惟忠與智忠者不愛身不負國智者有益於  
國不危其身復命曰吾寧死不顧予嘉歎焉雖未合中  
行可謂直臣矣其卒也遺言命彝曰吳司業文必傳世

尔往求又以表尔祖之墓吾死不憾彝遵父命因張策  
來請澄不可辭也於是為之序次云尔

### 詹統制墓表

宋勇勝軍統制官詹侯開慶己未之夏戰死于蜀勇勝  
軍屯鄂之城外其秋大兵至降其軍而侯之妻子在  
軍中俱北徙子生始四歲時世祖皇帝以親王總兵柄  
河北董忠獻公從世祖具知侯在蜀力戰不降狀命公  
曰佳父必生佳兒汝其善護視公鞠誨同己子名之曰  
士龍既成人仕州縣以廉惠稱追痛其父常怱怱不樂  
及擢江南諸道行御史臺監察御史按歷荆楚所至訪

其父遺迹有宋七國亡之際能城守而戰死者公各  
為傳而侯與焉得其傳又稽諸故老遺知侯卒之口參  
伍附益歸以語其友友輯為事狀持示臨川公登曰吾  
父以節死居北之五年吾母亦死不肖孤僅存公德之  
寅冬具衣冠招吾父之魂與吾母合葬鎮江舟後崇德  
之硯山懼弗克揚先烈將遂沉泯則終天無涯之痛愈  
不可塞願有述以表於墓故昌累子澄禮於不訢於是  
讀傳為狀而哀侯之所以死嗚呼歐陽公論五代之三  
全節而死者三王彥章其首彥章北面宋梁益蓋一  
且為君臣歲月甚必鮮無足道而弗貳斯事百世之公

議猶疑之宋三百年仁義之國豈朱梁比而甘李之死  
宗廟社稷死城郭封疆求如項籍田橫劉湛諸葛瞻顏  
果卿張巡許遠南霽雲韋革一何寥寥耶侯以下宦微祿  
出入行陣位位不挫如此世亦曷嘗無人哉嗚呼懦矣  
侯之死以蜀重慶告急宋大將往援侯率偏師以前破  
營壘十數攻蜀之帥號紐倫有善戰大將畏憚得小捷  
遽謀左次以遁侯見帥深入不戒驟領數十騎來往有  
敵輒迎又喜遠追謂其輕脫可獲也大將逗留侯率所  
部獨進進叙州南平隆化縣界遇游騎什什伯伯接戰  
無大勝負日中帥以精騎數千至侯之衆不滿千以比日

敢死士馳突衝擊力戰不少福遣平請大將求救方引  
衆趨山顛望竟不赴侯棄所乘馬立財發無不斃帥兵  
屢却然以步敵騎衆寡幾十倍騎生力分番迭鬪日昃  
戰未罷步之所殺已過當而死傷者十七八矢貫侯臂  
裂帛裹創復射連中數十創創甚矢盡衆稍稍散逸聚  
者猶數十人傷重莫能軍侯被執帥壯其勇期生之侯  
大罵求速死亦不加害翼日帥親視其創饋之食與藥  
侯標去弗受絡賓馬工載以行八日不食至播州土門  
死年五十二帥還都輒對黨言噤噤哭嘆曰好人好人  
且曰其箭不可當侯之後子二其一先教歲戍巴州戰

死其一後數歲邀隨州歸師戰死婿王杞守樊城樊城  
陷不降亦死一門死者四人侯光州固始人諱鈞少負  
奇氣嗤嚙齧儒弊精神事無用語每云讀書了大意可  
也暇日挾勁弓驅馬出平原廣野指南北東西射曰大  
丈夫立功名當以是萬殿帥器之妻以死女由邊郡村  
板良家子選補軍職隸武定軍也光徙屯黃勇勝軍後  
叛并取於武定而以侯為副其將後於襄陽城上走馬  
臨城下死侯叱曰大丈夫不死敵而死於是見女子爾  
制置使遂以侯代將充統制官寶祐間蜀歲歲期兵往  
采此渠開達等州扞禦用少人不數人以多最深入塞  
徽築建城堡化服群獠撫以恩信任事不避險艱不如  
此捐軀徇國其素志也而竟以助戰死嗚呼恠矣夫人  
萬氏蚤卒再娶胡氏生六龍今繇監察御史食嶺南廣  
西道肅政廉訪司事子澍亦嗜書碩而周於務嗚呼自  
古忠臣義士身不食其報者徃徃報於其子孫然則侯  
之後宜大蓋已覩其兆

姜公宜墓表

公宜姜姓也諱端義其祖某娶曾氏生子興不幸早世  
子幼家貧祖母曾適李生子二人興嗣鞠於李李為之  
冠娶因冒李姓娶端仁端義皆聚學徒教授于家端義

年十二而孤事祖母甚孝事伯兄甚恭其祖母嘗曰此  
孫善奉養我李之子亦曰此兒善奉養吾母伯兄暨嫂  
相繼殞歿遺三女一子長其女嫁之撫其子如已子子  
未冠而夭配鄔氏生時敏時中臨終謂其二子曰吾祖  
姜也吾祖母歸李有子有孫承祀吾姜姓子孫而稱爲  
李姜遂無後可乎復初姓續祖祀吾志也汝其以姜誌  
吾墓以葬時敏之師許文薦爲撰誌銘明李姓之冒而  
未正姜姓之稱于後時敏臨西澗書院訓導乃具其事  
白書院長移文有司有司下里胥數實如其言改其尸  
籍曰姜時敏謂予曰先考生宋淳祐甲辰八月辛未卒

元大德戊戌二月壬戌十月癸酉葬長安鄉北原之夏  
坑先妣生宋淳祐己酉六月丁卯卒元大德丁未六月  
丁巳七月乙酉附葬先考墓在今初遊已復其可無文  
以表諸墓先生景旣之所以光昭本壙庶復遺德者滯  
矣敢以請予旣叙其始末論于後之人謹按儀禮傳夫  
死妻不已與其子適人繼父爲子築宮廟歲時所之祀  
妻不敢與嗚呼古之處人倫之變何其息與義之兩盡  
也爲繼父而知此禮豈至於妻人之妻子人之子而遂  
易人之姓絕人之祀也哉此理不明則雖范文正公之  
賢隨母而嫁猶不免於姓未况不如范公者乎然范公

能復姓於其身姜之姓歷三世至其孫而始追復抑又  
重可嘆也時敏不忝絕其祖之祀不忝忘其父之命必  
復其姓而後快於心嗚呼可謂慈孫孝子也已且將以  
其弟時中後其世父端仁嗚呼厚之道也其美不可已  
不書書思之爲公且慕表

故表君季時墓表

友人表釋字季時工進士策論詩賦諄勤嚴肅善教道  
人家子弟所讀經書語音訓義考訂詳審不苟焉隨俗  
舛訛爲人剛正無一毫媚柔態以此不諧於俗人鮮知  
之然見者必敬畏不敢有慢侮心以大德丙午九月十

日卒年六十有四卒之次月葬于所居之南初娶溫氏  
再娶彭氏三娶季氏生四男二女男祖仁祖義祖忠祖  
信女適詹錄余瑞季時長子亦同鄉父交既葬予始  
還舊山既拜其墓而祖仁請文以表諸墓門以季時之  
才而不遇命也大

故儒學教諭余府君墓表

府君諱珏字玉甫宋紹定壬戌閏九月十二日己未生  
習進士詩賦累應鄉貢不利元至元間以東道儒學提  
舉司授信州路學官以忠實深懸儒學教諭不赴會撫州路官  
縣儒學缺官江西道儒學提司命攝其事就職一月而

歸隱中以詩詞自樂詞尤超拔似辛幼安刻改之之作  
大德戊戌四月二十二日六月寅以疾終于家歿年七十  
氏男繼老女維恭孫男茂孫孫文適尚書貢歐陽氏孫  
蘭曾孫男四人一舟卜宅兆俱未安至治壬午四月十  
七日庚申遷新穴在嶼山稠樹之谷澄于壻也則葬其  
客外今得躬視葬役乃識其月日以表于墓

